


PENDAHULUAN

1.1 PENGENALAN

Kitab suci al-Qur'an diturunkan kepada Nabi Muhammad SAW, mengandungi pelbagai khazanah ilmu. Secara umum isi kandungan al-Qur'an merangkumi 'aqidah, ibadat dan akhlak. Al-Qur'an mengandungi banyak rahsia yang sentiasa mengajak manusia agar memerhati, merenung dan membuat kajian di atas setiap kejadian yang Allah SWT ciptakan. Ia bertujuan untuk menambahkan lagi keimanan dan ketaqwaan dalam setiap jiwa. Firman Allah SWT :



Maksudnya: Dan Sesungguhnya al-Qur'an itu benar-benar suatu pelajaran bagi orang-orang yang bertakwa.


(al-Haqqah, 69:48)

Tujuan sebenar kehidupan manusia adalah untuk mengagungkan Allah SWT, merendahkan diri kepadaNya dan menyembahNya. Bagi tujuan yang sama, risalah suci dan wahyu Allah yang disampaikan melalui pesuruhNya adalah satu-satunya pedoman bagi manusia. Al-Qur'an bukan sahaja Kitab Suci yang terakhir tetapi juga wahyu yang tidak berubah-ubah. Inilah sebabnya kita semua bertanggungjawab untuk menerima al-Qur'an sebagai pedoman hidup yang sebenar.

Kisah-kisah umat terdahulu yang diceritakan di dalam al-Qur'an adalah bertujuan untuk *mentahqiqkan* apa yang telah diwahyukan oleh Allah SWT, Allah menyatakan

bahawa berbagai-bagi kisah yang dipaparkan di dalam al-Qur'an tidak lain dan tidak bukan adalah sebagai 'ibrah kepada orang-orang yang berakal. Berpandukan akal, manusia dapat memikirkan kesan atau balasan ke atas umat terdahulu yang mendustai Allah dan RasulNya, yang menolak seruan para RasulNya dan yang melawan seruan utusanNya. Allah SWT tidak memaparkan ini semua dengan sia-sia, akan tetapi untuk dijadikan pengajaran dan panduan hidup agar musibah yang sama tidak akan menimpa kita semua.


Ini bertepatan dengan firman Allah :



Maksudnya :Dan semua kisah dari rasul-rasul kami ceritakan kepadamu, ialah kisah-kisah yang dengannya kami teguhkan hatimu; dan dalam surah ini telah datang kepadamu kebenaran serta pengajaran dan peringatan bagi orang-orang yang beriman.

(Hud,11:120)

Walaupun al-Qur'an telah diturunkan lebih 1400 tahun yang lampau, tetapi kebenarannya tidak dibatasi masa. Umat Islam perlu sedar bahawa *jaza'* Allah berlaku umum, tanpa mengambil kira kedudukan, pangkat, harta yang dimiliki, sekalipun ia seorang mukmin atau kafir. Allah SWT bersifat adil, Allah juga Maha Pemurah dan Penyayang. Oleh itu, kitab suci al-Qur'an yang merupakan sumber utama dalam menentukan hukum serta dilengkapi berbagai aspek kehidupan manusia, perlulah selalu dihayati untuk dijadikan garis panduan dalam segenap lapangan hidup. Al-Qur'an menyebut:



Maksudnya : Maka kami jadikan apa yang berlaku itu sebagai satu hukuman pencegah bagi orang-orang yang ada pada masa itu dan orang-orang yang akan datang dan satu pengajaran bagi orang-orang yang hendak bertaqwa

(al-Baqarah, 2:66)

1.2 PENGERTIAN TAJUK DAN SKOP KAJIAN

Tajuk kajian ialah ‘ **Konsep *al-Jaza’*** Terhadap Kaum Yang Ingkar Dalam Surah Ali-‘Imran.’ Definisi tajuk adalah seperti berikut :

Konsep bermaksud pengertian (pendapat yang terbentuk dalam fikiran) tentang sesuatu idea atau gagasan¹. Sementara *al-jaza’* pula bermaksud balasan, ia berasal dari perkataan arab

dari kata dasar “jaza” جزاء يجزي حزى yang memberi pengertian mencukupi,

memberi balasan, memenuhi atau menunaikan.² Kaum yang ingkar yang dimaksudkan dalam kajian ini ialah merujuk kepada beberapa golongan yang ingkar terhadap Allah SWT dan RasulNya serta melakukan kezaliman sesama manusia. Mereka ialah golongan Kafir termasuklah Ahli Kitab dan pejuang Islam yang ingkar arahan Rasulullah SAW dalam Perang Uhud. Huraian selanjutnya pada bab satu di bawah tajuk pengertian *al-jaza’* dan

¹ Teuku Iskandar (Dr) (1993), *Kamus Dewan*, Kuala Lumpur: Bewan Bahasa dan Pustaka, c.1, h.651

² Ibrahim Anis (Dr) (1972), *al-Mu’jam al-Wasit*, Kaherah, c.2, j.1, h.121. lihat juga Hj Uthman bin Hj Khalid (2006), *Kamus Besar Arab Melayu*, Kuala Lumpur: Dewan Bahasa dan Pustaka, c.1, h.304

pengertian kaum yang ingkar. Seterusnya Surah Ali-'Imran merupakan surah ketiga di dalam al-Qur'an yang didahului oleh surah al-Fatihah dan surah al-Baqarah.

Secara kesimpulannya dapat dirumus bahawa kajian ini menerangkan balasan Allah ke atas kaum-kaum tertentu disebabkan keingkaran mereka terhadap Allah dan menafikan ajaran yang dibawa oleh Pesuruh Allah serta melakukan berbagai kezaliman terhadap manusia.

Penulisan ini tertumpu kepada pemahaman terhadap konsep *al-jaza'* ke atas kaum yang ingkar. Ia merupakan kajian Tafsir *al-Maudu'i* kerana melihat pandangan al-Qur'an dari sudut topik iaitu Konsep *al-jaza'* terhadap kaum yang ingkar.

1.3 LATAR BELAKANG MASALAH KAJIAN

Manusia berterusan melakukan dosa, maksiat, kezaliman. Keadaan ini menggambarkan bahawa manusia hari ini kurang mendalam dan menghayati isi kandungan al-Qur'an, mereka tidak ada ilmu mengenainya dan terdedah dengan pengaruh luar yang dibawa oleh barat. Kurang penghayatan terhadap Islam juga menjadi faktor umat Islam melakukan sesuatu secara *taqlid* sama ada dalam ber'i'tiqad, bermuamalah, dan sebagainya.

Allah SWT Yang Maha Adil tidak akan menghukum hamba-hambanya tanpa sesuatu sebab, keadilan Allah berlaku umum. Akan tetapi, manusia yang dikurniakan akal fikiran perlulah memanfaatkannya sebaik mungkin, supaya segala nikmat yang dikehendaki tidak disalah gunakan. Kelalaian manusia dari tujuan hidup sebenar iaitu mengabdikan diri

kepada Allah menyebabkan manusia perlu menerima hukuman dan balasan dari Allah SWT.

Orang beriman wajib meyakini akan adanya kehidupan akhirat selepas kehidupan di dunia. Di sanalah nanti manusia akan diadili oleh Hakim Yang Maha Adil, sudah pasti mahkamah keadilan di sana akan menyaksikan balasan atau ganjaran yang hakiki, keputusan yang muktamad tanpa pertikaian dari mana-mana pihak. HambaNya yang beriman sudah tentu menerima ganjaran sepetimana yang telah dijanjikan, manakala mereka yang ingkar akan menerima pembalasan yang setimpal dengan apa yang telah mereka usahakan di dunia.

Umat Nabi Muhammad SAW merupakan umat akhir zaman yang amat bertuah kerana Allah SWT sentiasa memberi ruang masa kepada mereka yang ingkar untuk bertaubat dari dosa dan maksiat yang telah dilakukan. Pendedahan al-Qur'an tentang kerugian yang menimpa golongan yang ingkar perlu dijadikan pengajaran dalam hidup.

Bagi memudahkan penyelidik membuat kajian, beberapa perkara penting dirumuskan sebagai permasalahan utama kajian ini :

1. Apakah konsep *al-jaza'* menurut al-Qur'an.
2. Siapakah kaum yang ingkar yang dimaksudkan di dalam surah Ali-'Imran.
3. Bagaimanakah hubungkait antara perilaku kaum yang ingkar dengan *jaza'* Allah.

1.4 OBJEKTIF KAJIAN

Antara objektif kajian ialah :

1. Menghuraikan konsep *al-jaza'* menurut al-Qur'an.
2. Menjelaskan ciri-ciri golongan yang ingkar serta *jaza'* Allah ke atas mereka.
3. Menimbulkan keinsafan dikalangan masyarakat tentang *jaza'* ke atas golongan tersebut.
4. Menjelaskan bahawa *jaza'* Allah berlaku umum samada kepada orang mukmin atau kafir.

1.5 KEPENTINGAN KAJIAN

Kajian ini mempunyai kepentingan tententu, terutamanya dari aspek ilmu-ilmu yang berkaitan al-Qur'an dari aspek *jaza'* Allah ke atas hambanya yang ingkar.. Pemahaman yang mendalam tentang *jaza'* Allah ke atas golongan yang ingkar akan memberi garis panduan serta peringatan kepada umat Islam agar sentiasa berhati-hati dalam kehidupan.

Kajian ini dirasakan penting, memandangkan masyarakat Islam pada hari ini yang semakin jauh dari landasan hidup yang sebenar, yang berpaksikan kepada al-Qur'an dan al-Hadith, mereka mudah terikut-ikut dengan unsur-unsur yang di bawa oleh barat. Oleh itu diharap kajian ini akan memberi kesedaran kepada setiap umat Islam bahawa kelalaian terhadap tujuan hidup yang sebenar akan mengundang kesusahan. Selain itu, kajian ini turut mengingatkan kita bahawa *jaza'* berlaku di dunia juga di akhirat serta menimpa orang Islam atau kafir.

1.6 SOROTAN LITERATUR

Berdasarkan pemerhatian penulis, telah banyak buku yang telah dikarang berkaitan kaum-kaum yang ingkar serta balasan yang menimpa mereka. Buku-buku yang dihasilkan banyak menyentuh tentang kebinasaan kaum-kaum terdahulu seperti Kaum Nabi Nuh, Hud, Lut, Thamud dan lain-lain lagi. Mereka telah dibinasakan oleh Allah SWT kerana mengingkari ajaran yang di bawa oleh rasul-rasul yang di utuskan oleh Allah SWT, mereka membuat berbagai-bagai tuduhan kepada Utusan Allah serta melakukan berbagai-bagai kezaliman.

Kajian penulis bertajuk “*Al-jaza’*” terhadap kaum yang ingkar menurut surah Ali-‘Imran”, mempunyai sedikit perbezaan dari sudut pengertian kaum yang ingkar, apa yang dimaksudkan di sini, kaum yang ingkar ialah golongan kafir, termasuklah Ahli Kitab serta sekumpulan pejuang Islam yang ingkar arahan Rasulullah SAW dalam Perang Uhud. Menyentuh tajuk ini, belum terdapat kajian mengenainya. Walaubagaimanapun banyak buah-buku yang membincangkan tentang golongan kafir, Ahli Kitab, persoalan berkisar Nabi Isa *al-Masih*, Kitab Injil yang diubahsuai daripada kandungan asalnya, dan dialog antara agama. Antara buku tersebut ialah Pengaruh Yahudi Dalam Kehidupan Umat Islam Masa Kini. Ia di karang oleh Dr. Solah al-Khalidi, tajuk asalnya *Israiliyat Mu’asorah*. Ia membongkar rahsia pengaruh Yahudi yang meresap dalam kehidupan umat Islam dulu dan kini dalam berbagai aspek kehidupan seperti pemikiran, politik, ekonomi, kesusasteraan, kesenian, sosiologi, komunikasi media dan banyak lagi.

Buku bertajuk *Islam and other Faiths* karangan Ismail Raji al-Faruqi, ia telah diterjemahkan oleh Zulkiple Abd Ghani di bawah tajuk Islam dan Kepercayaan Lain, turut membincangkan tiga agama iaitu Islam, Kristian dan

Yahudi dalam bidang sejarah, Persamaan dan perbezaan dalam beragama, hubungan orang Islam dan bukan Islam serta beberapa perkara yang berkaitan dengan dakwah.

Sebuah buku menarik yang memuatkan lima makalah, bertajuk Konsep Asas Islam Dan Hubungannya Dengan Agama Lain. Ia diterbitkan oleh Jabatan Aqidah Dan Pemikiran Islam APIUM Kuala Lumpur pada tahun 2007, Secara umumnya buku ini membincangkan beberapa tajuk utama iaitu syarat asas dialog antara agama berdasarkan persepsi para ilmuan tafsir, memperjelaskan secara *komprehensif* isu *pluralisme* agama dan kaedah mendepaninya berasaskan *epistemology* Islam, memperjelaskan konsep toleransi dan kebebasan beragama dari perspektif Islam, fenomena kerencaman agama menurut perspektif kenabian dan kerasulan dalam Islam dan contoh *aplikasi* dan penghayatan konsep tersebut dalam sejarah Islam.

Buku *al-Amthal* dalam al-Qur'an golongan kafir dan ahli kitab , hasil karangan Zainal Abidin Mohamad dan Muhd Najib Abdul Kadir banyak mendedahkan sikap golongan kafir termasuklah ahli kitab, ia turut membincangkan sikap mereka terhadap Islam dan umatnya serta sikap Islam terhadap golongan tersebut. Seterusnya pengarang menjelaskan perumpamaan mereka bagi tujuan memberi kefahaman, penerangan dengan membandingkan suatu perkara atau pun keadaan yang dapat difahami oleh akal fikiran manusia.

Terdapat banyak buku yang dihasilkan oleh penulis timur tengah yang turut membincangkan tentang golongan yang ingkar khususnya Kaum Yahudi dan orang-orang munafiq. Antaranya, kitab *zahirat al-Nifaq Wa Khabaith al-Munafiqin Fi al-*

Tarikh yang dikarang oleh ‘Abd al-Rahman Hassan Habannakah, ia membincangkan pengertian iman dan Islam, kufur dan nifaq, jenis-jenis nifaq, serta sifat-sifat orang munafiq menurut al-Qur’ān. Dr. Taufiq al-Wa’ie melalui kitabnya *al-Yahud Tarikh Ifsad Wa Inhilal Wa Dimar*, menjelaskan banyak perkara berkaitan golongan Yahudi. Antaranya, sejarah kelahiran Yahudi, sifat keji mereka, tipu helah yang digunakan untuk menguasai Palastin khususnya dan dunia amnya.

Pengarang kitab *al-Yahud Fi al-Qur'an al-Karim*, Salah Abu Isma'il menjelaskan sikap keji Bani Israil menurut al-Qur’ān, pendirian mereka terhadap Nabi Muhammad SAW serta golongan ahli kitab yang beriman dan kufur, Allah SWT mlarang manusia meniru sikap keji mereka kerana mereka adalah golongan yang akan dibinasakan di dunia dan akan menerima azab Allah di akhirat nanti. Kitab ‘Ala Hamish al-Hiwar Bayna al-Qur'an Wa al-Yahud hasil karya Husni Yusuf al-Atir turut membincangkan sikap keji Yahudi terhadap Nabi Muhammad dan Kitab suci al-Qur’ān serta perdebatan mereka dengan Nabi Musa a.s.

Menerusi sorotan yang dibuat oleh penulis mengenai karya-karya terdahulu, penulis mendapati tajuk konsep *al-jaza'* terhadap kaum yang ingkar-iaitu golongan kafir dan ahli kitab menurut surah Ali-‘Imran belum dibincang secara mendalam, Kajian ini mengupas sikap keji golongan Yahudi menurut surah Ali-‘Imran serta balasan yang akan menimpa mereka di dunia dan akhirat seterusnya penulis menghubungkaitkan sikap keji mereka dengan balasan Allah SWT yang selayaknya mereka terima. Oleh itu, penulis mengharapkan kajian ini akan dapat memberi manfaat serta dapat diambil *i'tibar* kepada para pembaca dan orang ramai.

1.7 METODOLOGI PENYELIDIKAN

Metodologi ialah ilmu tentang cara mengadakan penelitian supaya iaanya dapat menepati kehendak ilmiah. Perkataan ini berasal dari Yunani ‘methodos’ yang bererti cara dan ‘logos’ bererti ilmu. Dalam kajian ini penulis menggunakan beberapa metode penyelidikan iaitu :

- 1.7.1 Metode penentuan subjek
- 1.7.2 Metode pengumpulan data
- 1.7.3 Metode penganalisaan data

1.7.1 Metode penentuan subjek

Dalam menentukan subjek, penulis menggunakan kaedah sampling, iaitu dengan menjadikan beberapa ayat dari surah Ali-‘Imran sebagai subjek penyelidikan.

1.7.2 Metode pengumpulan data

Melalui metode ini, penulis berjaya mendapatkan data atau maklumat yang diperlukan. Kajian yang dijalankan ini lebih menjurus kepada kajian perpustakaan (*Library Research*) dan memerlukan bahan bacaan dan rujukan bertulis. Antara metode yang digunakan untuk mendapatkan bahan-bahan dan maklumat yang diperlukan ialah :

a. Metode Historis

Metode ini merupakan satu proses pengumpulan data atau maklumat-maklumat yang diperlukan yang berkaitan dengan tajuk kajian. Penulis menggunakan metode ini untuk mendapatkan maklumat berkaitan perilaku golongan yang ingkar yang diceritakan di dalam surah Ali-'Imran serta kaitannya dengan *jaza'* Allah.

b. Metode Dokumentasi

Iaitu cara pengumpulan data dengan melakukan studi terhadap dokumen-dokumen yang ada hubungan dengan masalah yang dikaji. Metode ini sebagai tambahan atau rujukan untuk menguatkan dan sebagai bukti terhadap masalah yang dikaji. Dokumen yang digunakan seperti akhbar, majalah, risalah dan kertas kerja. Penulis telah menjadikan perpustakaan sebagai sumber utama bagi menyelidik dan mengumpulkan bahan-bahan yang diperlukan dalam kajian ini. Data-data diperolehi samada dari buku atau majalah dan kertas kerja atau kertas seminar. Antara perpustakaan yang menjadi tempat rujukan ialah :

- a Perpustakaan Utama Universiti Malaya Kuala Lumpur
- b Perpustakaan Jabatan al-Quran dan al-Hadith, Akademik Pengajian Islam, Kuala Lumpur

- c Perpustakaan Peringatan Za'ba, Universiti Malaya
- d Perpustakaan Awam Pusat Islam, Kuala Lumpur
- e Perpustakaan Tun Sri Lanang, Universiti Kebangsaan Malaysia.
- f Perpustakaan Universiti Islam Antarabangsa Malaysia (UIAM), Gombak.
- g Perpustakaan Awam Kuala Selangor.

1.7.3 Metode Penganalisaan Data³

Setelah bahan dokumen dikumpulkan, kesemua data yang diperolehi diteliti. Penulis turut melakukan penyusunan, penilaian, pengkategorian, perbandingan dan pemerhatian terhadap keseluruhan data yang diperolehi dalam menganalisa data.

Untuk mencapai hasil dari perkaedahan ini, penulis mengaplikasikan beberapa metode penganalisaan data sebagaimana berikut:

1.7.3.1 Metode Kualitatif

Untuk menganalisis data yang bersifat kualitatif atau nilai data yang tidak dapat dinilai dengan angka iaitu data yang menggunakan fakta, maklumat, pernyataan, ulasan, konsep dan seumpamanya.⁴ Bagi mendapatkan hasil kajian dari metode ini, penulis melakukan beberapa metode yang berkaitan, iaitu :

³ Analisa data merupakan aktiviti untuk memperolehi maklumat yang berguna dari data mentah. Ia melibatkan aktiviti manipulasi seperti mengatur, memilih dan menjadual bahan yang diperolehi. Lihat Mohd Majid Konting (1990), *Kaedah Penyelidikan Pendidikan*, Kuala Lumpur: Dewan Bahasa dan Pustaka, h.309

⁴ Idris Awang (2001), *Kaedah Penyelidikan Suatu Sorotan*, APIUM KL: Intel Multi Media and

(a) Metode Induktif

Metode ini dikenali sebagai suatu kaedah yang menggunakan pendekatan induktif-generatif, iaitu suatu kaedah yang memerlukan penyelidikan mengumpul maklumat yang bersifat terhad dan berasingan yang diperolehi dari pembacaan (*istiqra'*) secara berterusan bagi menghuraikan fenomena yang dikaji.⁵

Pada peringkat awal penulis mengumpulkan data-data yang berkaitan dengan landasan teori kajian iaitu Konsep *al-jaza'* ke atas kaum yang ingkar . Kemudian penulis mengklasifikasikan tajuk kepada beberapa bahagian dan mengagihkan data mengikut bahagian tersebut iaitu data-data berkaitan konsep *al-jaza'* , pengertian kaum yanag ingkar serta kaitan *jaza'* Allah dengan sikap keingkaran kaum tersebut. Penulis turut melihat data-data yang mempunyai perkaitan dengan tajuk bagi merungkai masalah kajian.

(b) Metode Deduktif

Metode ini adalah satu kaedah membuat analisa atau kesimpulan dari data-data umum yang diperolehi kepada kenyataan-kenyataan secara lebih khusus.

⁵ Publication, h. 6
Ibid., h. 82

Penulis menggunakan kaedah ini bagi menganalisa data-data yang dikumpulkan khususnya pada bab empat. Iaitu penulis membuat kesimpulan terhadap analisa yang dilakukan. Dapatan daripada analisa tersebut penulis menghuraikan permasalahan kajian.

(c) **Metode Komperatif**

Melalui metode yang ketiga ini, penulis meneliti dan merumuskan analisa data yang diperolehi dalam bentuk perbandingan. Penulis turut melakukan pengkategorian dan penyusunan data yang diperolehi di dalam penyelidikan yang dibuat.

Melalui kaedah ini, penulis mengumpulkan data-data yang diperolehi dari sumber utama. Kemudian dibuat perbandingan dari segi persamaan dan perbezaan sumber yang diperolehi bagi mendapat maklumat yang lebih jelas. Hasil dari penelitian tersebut penulis akan membuat kesimpulan bagi kajian. Kaedah ini digunakan khususnya bab dua dan tiga.

1.7.3.2 Metode Kuantitatif

Metode ini adalah dalam bentuk angka atau bilangan dengan menggunakan kaedah tertentu seperti kaedah statistik dan seumpamanya.⁶

1.8 SISTEMATIKA PENULISAN

⁶ *Ibid.*, h.6

Secara umumnya kajian ini menjelaskan konsep *al-jaza'* terhadap kaum yang ingkar berdasarkan beberapa ayat dari surah Ali-'Imran, dan kupasan ayat-ayat dari surah lain sebagai pengukuhan dalam kajian ini.

Pada bab pendahuluan, ia mengandungi perbincangan secara umum dalam memahami keseluruhan tajuk kajian. Ia merangkumi latar belakang kajian, definisi tajuk, permasalahan tajuk, objektif kajian, kepentingan kajian, skop kajian, sorotan literature, metodologi kajian dan akhir sekali ialah sistematika penulisan.

Bab pertama dijelaskan pengertian *al-jaza'* dan pengertian kaum yang ingkar. Penulis mendatangkan pandangan ulama' mengenai jenis-jenis *al-jaza'* dan penggunaannya di dalam al-Qur'an. Dijelaskan pengertian golongan yang ingkar, serta ciri-ciri golongan tersebut.

Pada bab kedua di bawah tajuk kaum yang ingkar menurut surah Ali-'Imran. Penulis mengkategorikan kaum yang ingkar kepada dua golongan iaitu ahli kitab dan para pejuang Islam yang melanggar arahan Nabi Muhammad SAW dalam Perang Uhud.

Pada bab ketiga, Konsep *al-jaza'* menurut surah Ali-'Imran. Bab ini mempunyai kaitan khusus dengan bab dua, ia menjelaskan *jaza'* Allah ke atas golongan yang ingkar semasa di dunia dan azab di akhirat nanti .

Pada bab keempat, analisis terhadap perkaitan atau hubungkait antara sikap golongan yang ingkar dengan *jaza'* Allah SWT. Mereka layak menerima balasan

buruk serta azab Allah SWT atas sikap dan perbuatan buruk yang mereka lakukan. Ia memberi gambaran bahawa segala yang berlaku di dunia ini tidak lari dari ketetapan Allah sejak azali, dan setiap yang berlaku merupakan sunnatullah.

Bab kelima merupakan bab yang terakhir, ia mengandungi rumusan dan hasil kajian. Di samping itu, beberapa cadangan juga dikemukakan berdasarkan hasil keseluruhan kajian.


BAB SATU

PENGERTIAN AL-JAZA' DAN PENGERTIAN KAUM YANG INGKAR

1.1 PENGENALAN

Sesungguhnya Allah SWT memuliakan umat Nabi Muhammad SAW dengan penurunan kitab suci al-Qur'an, dan memuliakan umat Islam dengan kebenaran al-Qur'an dan beramal dengan isi kandungannya, seterusnya Allah memerintahkan manusia supaya mengamati dan meneliti isi kandungan al-Qur'an. Kerana sesungguhnya setiap perlakuan dan tindak tanduk manusia itu akan di balas oleh Allah SWT:


Firman Allah SWT :



Maksudnya : (Inilah) kitab yang kami turunkan kepada engkau lagi diberkati, supaya mereka memperhatikan ayat-ayatnya dan supaya mendapat peringatan orang-orang yang berakal.

(Saad, 38:29)

Sesungguhnya Allah Maha Mengetahui setiap perlakuan manusia, sama ada yang nyata atau tersembunyi, dan Allah akan memberi balasan kepada setiap orang mengikut apa yang dikerjakan. Orang Mukmin hendaklah yakin bahawa setiap perkara yang dilakukan pasti akan mendapat balasan dari Allah SWT. Sekiranya perkara itu baik maka syurgalah ganjarannya dan jika sebaliknya maka nerakah pembalasannya. Bukanlah satu kerugian jika seseorang mukmin itu melakukan kebaikan kerana kebaikan itu akan berbalik kepada dirinya sendiri, apatah lagi sekiranya kebaikan itu diikuti oleh orang lain maka selama mana kebaikan itu dilakukan maka berterusanlah pahala yang akan diterima, begitulah juga dengan kejahatan. Inilah yang difahami dari firman Allah :



Maksudnya : Jika kamu berbuat baik, nescaya kamu berbuat baik untuk dirimu. Jika kamu berbuat jahat, (balasannya) untuk dirimu juga.

(al-Isra',17:7)

Syariat Islam meletakkan hukuman atas perbuatan yang dilakukan dengan niat dan pilihan, iaitu apabila seseorang mukmin melakukan sesuatu perkara, dan ia faham akan perkara itu, sama ada baik atau buruk, halal atau haram dan sebagainya, lalu ia melakukannya dengan rela hati atau tenang fikiran, maka sudah tentu ia bertanggungjawab ke atasnya. Jika baik di balas dengan baik dan jika buruk dibalas dengan buruk juga. Demikianlah jika halal di beri pahala dan jika haram diberi dosa. Itulah keadilan Allah SWT, dibalasNya setiap perbuatan dengan balasan yang setimpal dengannya.

1.2 PENGERTIAN AL-JAZA'

Kalimah *Jaza'* adalah kata dasar dari حِزْأٌ حِزْأٍ حِزْأٍ yang bermaksud

memberi balasan,⁷ memberi kepuasan dan mencukupi,⁸ pahala, balasan, ganjaran, hukuman, denda.⁹ Menurut Kamus Dewan, ‘balasan’ bermaksud ganjaran, hukuman.¹⁰ Perkataan ‘balasan’ (untuk perbuatan jahat dan lain-lain), ‘ganjaran’ pula bermaksud hadiah (untuk perbuatan baik dan lain-lain)¹¹. Berdasarkan pengertian di atas, dapatlah difahami istilah ‘balasan’ boleh digunakan pada perbuatan jahat dan perbuatan baik manakala ‘ganjaran’ hanya digunakan untuk perbuatan baik sahaja.

Ini berbeza dengan lafaz *al-jaza'* yang terdapat dalam al-Qur'an, Dalam *Mu'jam al-Farid*, *al-jaza'* boleh digunakan pada ganjaran pahala dan balasan dosa¹². Ini bermakna kalimah *al-jaza'* yang didatangkan dalam pelbagai *sighah* menurut pengertian al-Qur'an sesuai digunakan pada perbuatan baik, perbuatan jahat dan ia juga boleh digunakan pada kedua-dua perbuatan tersebut.

⁷ Uthman bin Khalid et al. (2006), *Op.cit*, c.1, h.304

⁸ Ahmad al-'Ayad et.al. (1988), *al-Mu'jam al-'Arabiyy al-Asasi*, Tunis, h. 248

⁹ Muhammad Khairi Zainuddin et.al. (2008), *Kamus Moden Arab-Melayu-Inggeris*, Selangor: Angkatan Edaran Enterprise Sdn Bhd, c.2, h. 611

¹⁰ Ibrahim bin Hj Ahmad et al. (2007), *Kamus Dewan*, Kuala Lumpur: Dewan Bahasa dan Pustaka, edisi 4, h.115

¹¹ *Ibid.*, h.432

¹² Kamil Muhammad al-Jazzar (2006), *al-Mu'jam al-Farid Li Ma'ani Kalimat al-Qur'an al-Majid*, Kaherah: Dar al-Tauzi' Wa al-Nasyr al-Islamiyyah, h. 202.

1.3 AL-JAZA' MENURUT PANDANGAN ULAMA'

1.3.1 Menurut Dr. 'Abd al-Sabbur, al-Qur'an menyebut 12 jenis balasan¹³. (أصناف الحزا).


Ia dapat dibahagikan kepada dua kategori, balasan baik (5) dan balasan buruk (7).

a. BALASAN BAIK

a. Balasan kepada orang yang beriman dan beramal soleh

(جزاء اليمان والعمل الصالح)

Firman Allah SWT :



Maksudnya : Supaya Allah membalasi orang-orang yang beriman dan beramal soleh. Untuk mereka ampuan dan rezeki yang mulia.

(Saba', 34:4)


Menurut Sayyid Qutb, Orang-orang yang beriman dan membuktikan keimanan mereka dengan amalan yang soleh, mereka akan memperolehi keampunan terhadap kesalahan-kesalahan yang dilakukan dan rezeki yang mulia iaitu nikmat-nikmat akhirat.¹⁴

¹³ 'Abd al-Sabbur Marzuq (Dr) (1995), *Mu'jam al-a'lam wa al-Mauduat fi al-Qur'an al-Karim*, Beirut: Dar al-Syuruq, c.1, j.1, h.467

¹⁴ Sayyid Qutb (2000), *Tafsir Fi Zilal al-Qur'an*, Yusoff Zaky Haji Yacob (terj.) Kelantan: Pustaka Aman Press Sdn Bhd, c.1, j.13, h.181

b. Balasan kepada orang-orang yang bertaqwa (جزاء المتقين)

Firman Allah SWT :



Maksudnya : (Iaitu) syurga ‘And, mereka itu masuk kedalamnya, sedang air sungai mengalir dibawahnya, untuk mereka itu di dalamnya apa yang mereka kehendaki. Demikianlah Allah membala orang-orang yang bebrtaqwa.(31) (Iaitu) orang-orang yang diwafatkan oleh malaikat, sedang mereka itu orang-orang baik. Berkata malaikat: Salam atas kamu, masuklah kamu ke dalam syurga, sebab (amal yang) kamu kerjakan.(32)


(al-Nahl,16:31-32)

Ganjaran bagi orang yang bertaqwa, disediakan Syurga ‘Adn untuk kediaman mereka yang mana mengalir dibawahnya sungai-sungai yang mencerminkan kemewahan hidup mereka, di sana mereka tidak rasa penat lelah dan tiada sebarang sekatan rezeki, mereka akan digambarkan keadaan nazak maut yang senang, lemah lembut dan mesra.¹⁵

c. Balasan kepada orang yang melakukan kebaikan (جزاء الحسنين)

¹⁵ Ibid., j.10, h. 38-39

Firman Allah SWT :



Maksudnya : Lalu Allah membalas mereka, kerana perkataannya itu dengan syurga yang mengalir air sungai dibawahnya, serta kekal mereka di dalamnya. Dan demikianlah balasan bagi orang-orang yang berbuat baik.

(al-Maidah, 5:85)

Sayyid Qutb menjelaskan melalui ayat 83 surah al-Maidah ia menceritakan sifat-sifat golongan *Nasara* yang tertentu yang amat dekat dan mesra dengan orang-orang beriman, iaitu apabila mereka mendengar ayat-ayat al-Qur'an yang diturunkan oleh Allah kepada Rasulnya, maka seluruh perasaan mereka menjadi terharu dan gementar, hati mereka terasa lembut dan mata mereka mencucuri air mata, bukan sekadar itu mereka mengumumkan keimanan dan pengakuan itu dengan pernyataan yang lantang, mendalam dan terus terang.¹⁶ Maka dengan perkataan yang baik itu dikurniakan kepada mereka syurga Allah dan mengiktiraf mereka sebagai para Muhsinin yang akan dibalas dengan ganjaran Muhsinin. Darjat ihsan merupakan setinggi-tinggi darjah keimanan dan keIslamam.¹⁷

d. Balasan kepada orang-orang yang bersabar (جزاء الصابرين)

Firman Allah SWT :

¹⁶ *Ibid.*, j.4, h. 458-459

¹⁷ *Ibid.*, j.4, h.461



Maksudnya : Dan Dia membalasi mereka kerana mereka bersabar dengan syurga dan pakaian sutera.

(al-Insan, 76 :12)

- e. Balasan kepada orang yang berjihad di Jalan Allah ¹⁸

(جزاء المُجاهِدين في سبِيل الله)

Firman Allah SWT dalam surah al-Nisa' ayat 95-96



Maksudnya: Tidak sama orang-orang yang duduk diantara orang mukmin dengan orang-orang yang berjuang pada jalan Allah dengan harta dan jiwanya kecuali mereka yang ditimpa keuzuran. Allah melebihkan satu darat orang-

¹⁸ Muhammad 'Abd Allah al-Khatib *et.al* (t.t), *Nazarat Fi Risalah al-Ta'lim*, Mesir: Dar al-Tauzi' Wa al-Nasyr al-Islamiyyah, h.223

orang yang berjuang dengan harta dan jiwanya dari orang-orang yang duduk (tidak pergi kerana uzur). Untuk masing-masingnya Allah menjanjikan kebaikan. Allah melebihikan orang-orang yang berjuang dari orang-orang yang duduk (tanpa uzur) dengan pahala yang besar.(95) (Iaitu) beberapa darjat serta (mendapat) keampunan dan rahmat. Dan Allah Maha Pengampun lagi Maha Penyayang. (96)


(al-Nisa', 4:95-96)

Pada bahagian ini, walaupun tidak terdapat kalimah *jaza'* tetapi ia masih difahami balasan baik kepada mereka yang berjuang di jalan Allah.

Kesimpulannya, kebanyakan balasan baik yang akan diterima oleh orang beriman berupa kenikmatan di akhirat nanti. Walaubagaimanapun mereka turut menerima ganjarannya semasa di dunia seperti diberikan keampunan dan dipermudahkan semasa sakaratul maut. Seterusnya Allah SWT menggambarkan nikmat yang bakal dikehapi oleh orang beriman dengan ganjaran syurga yang menyediakan berbagai nikmat yang tidak akan putus-putus.

b. **BALASAN BURUK**

- a. Balasan terhadap kekufuran (جزاء الكفر)



Maksudnya : Itulah balasan mereka, (iaitu) neraka jahannam, sebab mereka kafir dan mengambil ayat-ayatKu dan rasul-rasulKu sebagai bahan ejekan.


(al-Kahfi, 18:106)

Ayat 105 surah al-Kahfi menjelaskan mereka ialah orang yang tidak mempercayai ayat-ayat Allah dan mengingkari pertemuan pada hari kiamat, balasannya amalan mereka yang dianggap baik, berjaya dan menguntungkan tiba-tiba membawa kepada kebinasaan, mereka tidak diberi sebarang nilai dan pertimbangan di dalam neraca nilai-nilai yang sebenar pada hari kiamat dan mereka akan memperolehi balasan mereka yang sebenar iaitu neraka jahannam.¹⁹

b. Balasan kepada orang murtad dan takabbur

(جزء المرتدين والمستكيرين على الحق)

Firman Allah SWT :




Maksudnya : Dan pada hari dihadapkan orang-orang kafir ke dalam neraka, (lalu dikatakan kepadanya): Adakah kamu sia-siakan kesenanganmu ketika hidupmu di dunia dan kamu telah bersuka ria dengannya, maka pada hari ini kamu di balas dengan seksaan kehinaan, kerana kamu takbur dimuka bumi, tanpa kebenaran dan kerana kamu fasiq.

(al-Ahqaf, 46:20)

¹⁹ Sayyid Qutb (2000), *Op.cit.*, c. 1, j.10, h.389

c. Balasan kepada orang yang berdusta terhadap Allah (جزاء الكاذبين على الله)

Firman Allah SWT :



Maksudnya : Maka barangsiapa ditunjukkan Allah, maka dia mendapat petunjuk maka barangsiapa disesatkanNya, maka engkau tidak memperolehi wali (penolong) untuk mereka, selain daripadaNya. Kami himpukkan mereka pada hari kiamat, (dihumban) dari di atas mukanya, sedang mereka buta, bisu dan pekak. Tempat mereka di dalam nereka jahannam. Setiap kurang nyala apinya, lalu Kami tambah, sampai menyala-nyala.(97) Demikianlah balasan untuk mereka, kerana mereka engkar akan ayat-ayat Kami, dan mereka berkata: Apabila kami menjadi tulang dan telah hancur, adakah boleh kami dibangkitkan menjadi makhluk yang baru?(98)


(al-Isra' ,17 :97-98)

Sayyid Qutb menjelaskan, balasan kepada orang yang tidak mendapat hidayah Allah, mereka berada dalam keadaan hina dan mengerunkan, mereka

diseret di atas muka mereka dan mereka terhuyung hayang kerana buta, pekak dan tuli. Mereka tidak dapat melihat dan tidak dapat menggunakan anggota pancaindera mereka dalam kumpulan manusia yang penuh sesak sebagai balasan terhadap kesalahan mereka yang tidak mahu menggunakan anggota-anggota pancaindera mereka di dunia ini untuk memahami dalil-dalil hidayah. Penghabisan hidup mereka ialah neraka jahannam yang tidak pernah sejuk dan malap nyalaan apinya. Itulah balasan dan kesudahan yang menakut dan mengerunkan, tetapi itulah balasan yang wajar diterima kerana menolak ayat-ayat Allah dan mengengkari kebangkitan dan menganggapnya sebagai sesuatu yang jauh dari kemungkinan berlaku.²⁰

d. Balasan kepada orang musyrikin (جزاء المشركين)

Firman Allah SWT :



Maksudnya : Dan orang-orang yang kafir itu, untuk mereka neraka jahannam, mereka tidak dihukum mati, (jika mati tentu) mereka musnah dan tidak pula diringankan seksaan untuk mereka. Demikianlah kami membalasi setiap orang kafir.

(Fatir, 35:36)

Ayat di atas menjelaskan bahawa orang-orang yang menutup nikmat kurniaan akal daripada melihat tanda-tanda kekuasaan Allah yang jelas seperti matahari


²⁰ Ibid., j.10, h. 268-269

menyinar, maka Allah sediakan untuk mereka api neraka jahannam yang mana mereka tidak akan dimatikan buat kali kedua dan tidak diberi kerehatan daripada azab Allah malah tidak ada keringanan dari azab bahkan apabila nyalaanya reda maka ditambahkan nyalaan tersebut.²¹

e. Balasan orang yang melakukan kerosakan di muka bumi

(جزاء المفسدين في الأرض)

Firman Allah SWT :



Maksudnya: Sesungguhnya balasan orang-orang yang memerangi Allah dan Rasulnya, dan berusaha membuat bencana di muka bumi, bahawa mereka itu dibunuh atau disalib atau dipotong tangannya dengan berselang, atau dibuang jauh dari tanah airnya. Balasan itu adalah satu kehinaan bagi mereka didunia dan untuk mereka diakhirat seksaan yang besar.

(al-Maidah, 5 :33)


²¹ Ahmad Mustafa al-Maraghiy (t.t), *Tafsir al-Maraghiy*, j.8, h. 132

Para Fuqaha' di dalam mazhab Abu Hanifah, al-Shafie dan Ahmad berpendapat bahawa hukuman-hukuman itu di atur mengikut jenayah yang berlaku, iaitu sesiapa yang membunuh tetapi tidak menyamun harta benda maka ia dikenakan hukuman bunuh dan sesiapa yang menyamun harta benda tetapi tidak membunuh maka dikenakan hukuman potong dan sesiapa yang membunuh dan menyamun harta benda maka ia dikenakan hukuman bunuh dan salib dan sesiapa yang menakut-nakut atau mengancam keamanan di jalan tetapi tidak membunuh dan tidak pula menyamun harta benda maka ia dikenakan hukuman buang negeri. Walaubagaimanapun menurut Sayyid Qutb mana-mana pemerintah yang tidak ditegakkan di atas Syariat Allah di dalam Negara Islam tidak berhak menghukum para penderhaka ini di atas nama syariat Allah.²²

²² *Ibid.*, j.4, h. 264-265

f. Balasan kepada orang yang zalim (جزاء الظالمين)

Firman Allah SWT :




Maksudnya : Untuk mereka tikar dari api neraka dan di atasnya kain selimut. Dan demikianlah kami membalas kaum yang zalim.

(al-A'raf ,7 :41)

Orang-orang yang zalim ialah mereka yang melakukan kesalahan dan orang-orang musyrikin yang mendustakan ayat-ayat Allah dan mengadakan pembohongan terhadap Allah.²³ Allah menyediakan untuk mereka tikar dan kain selimut dari api neraka.

g. Balasan kepada penjenayah (جزاء الجرميين)

Firman Allah SWT :



Maksudnya: Dan lelaki yang mencuri dan perempuan yang mencuri, hendaklah dipotong tangan keduanya, sebagai balasan pekerjaan keduanya dan sebagai balasan dari Allah, Dan Allah Maha Perkasa lagi Maha Bijaksana.

(al-Maidah, 5:38)

²³ Sayyid Qutb (1982), *Fi Zilal al-Qur'an*, Beirut: Dar al-Syuruq, c.10, j.3., h. 1291


Tangan yang dipotong ialah tangan kanan hingga ke pergelangan dan apabila ia kembali mencuri (kali yang kedua) maka yang dipotong ialah kaki kiri. Inilah kadar potong yang dipersetujui sebulat oleh fuqaha'. Tetapi mereka berbeza pendapat mengenai hukuman ke atas pencurian kali ketiga dan keempat.²⁴ Hukuman potong tangan merupakan balasan di atas perbuatan jahat yang mereka lakukan dan ia akan turut memberi pengajaran kepada orang lain. Kerana tidak ada pengajaran yang lebih bermakna melainkan dengan potong tangan kerana pencuri tersebut akan melalui sepanjang hidupnya dengan perasaan malu dan 'aib, hukuman ini juga akan menghalang berleluasanya kejadian mencuri yang melibatkan harta dan nyawa seterusnya ia boleh memberi keamanan dalam hidup.²⁵

1.3.2 Muhammad Bassam Rushdi al-Zain²⁶

Menurut beliau, kalimah *jaza'* di dalam al-Qur'an dikategorikan kepada 6 jenis :

a. *Jaza' al-Ihsan*

Firman Allah SWT :



²⁴ *Ibid.*, j.4, h. 275

²⁵ Ahmad Mustafa al-Maraghiy (t.t), *Op.cit.*, j.2, h.114


²⁶ Muhammad Bassam Rushdi al-Zain (1996), *al-Mu'jam al-Mufahras Li Ma'ani al-Qur'an al-'Azim*, Beirut: Dar al-Fikr al-Mu'asir, c.2, j.1, h.271-277

Maksudnya : Balasan mereka itu ialah keampunan dari Tuhannya dan syurga yang mengalir air sungai dibawahnya, sedang mereka kekal di dalamnya. Itulah sebaik-baik pahala bagi orang yang beramal.

(Ali-'Imran,3:136)

b. *Jaza' al-Ukhrawi*


Firman Allah SWT:



Maksudnya: Dan barangsiapa membunuh orang mukmin dengan sengaja, maka balasannya neraka jahannam, serta kekal didalamnya dan Allah murka kepadanya serta mengutuknya serta disediakan baginya seksaan yang besar.

(al-Nisa', 4:93)

c. *Jaza' al-Isaah*



Maksudnya : Barangsiapa mengerjakan kejahatan, necaya akan di balas dengan kejahatan pula, sedangkan dia tidak memperolehi wali dan tidak pula penolong selain dari Allah.

(al-Nisa', 4:123)

d. *Jaza' al-Dunyawiy*

Maksudnya : Barangsiapa yang mengerjakan kebaikan, baik lelaki atau perempuan, sedang ia beriman nescaya Kami hidupkan dia dengan kehidupan yang baik dan Kami balasi mereka dengan pahala yang lebih baik dari apa yang mereka telah amalkan.

(al-Nahl, 16:97)

e. *Jaza' al-Dunyawiy al-Madiy*

Maksudnya : Pencuri lelaki dan pencuri perempuan,hendaklah dipotong tangan keduanya, sebagai balasan pekerjaan keduanya dan sebagai seksaan dari Allah dan Allah Maha perkasa lagi Maha bijaksana.

(al-Maidah, 5 :38)

f. *Jaza' al-Dunyawiy al-Ma'nawiy* (*Ali-Imran* 87)



Maksudnya: Balasan untuk mereka itu ialah kutukan Allah ke atas mereka, juga (kutukan) malaikat dan (kutukan) manusia sekeliannya.

(Ali-‘Imran, 3:87)

Kesimpulannya, *Jaza’* Allah berlaku secara adil, Kepada orang yang beriman dan beramal soleh, mereka akan mendapat ganjaran baik dari Allah di dunia dan akhirat, antara nikmat yang diberikan seperti keampunan dari Allah SWT di atas kesalahan yang dilakukan, manakala di akhirat mereka akan mendapat balasan syurga yang mengalir sungai dibawahnya, dipakaikan dengan pakaian sutera serta mereka akan kekal buat selamanya. Manakala balasan bagi yang kufur dan ingkar terhadap ayat-ayat Allah SWT dan ajaran Islam yang disampaikan, serta melakukan kezaliman sesama manusia, maka bagi mereka juga azab di dunia dan akhirat. Mereka akan dilaknat oleh Allah SWT dan malaikat semasa di dunia lagi, amalan baik yang dilakukan semasa di dunia di anggap sia-sia seperti fatamorgana, manakala di akhirat mereka akan menerima azab Allah yang amat pedih, tidak ada penolong atau pembantu yang boleh meringankan azab tersebut malahan Allah akan menambah nyalaan api neraka ke atas mereka serta mereka akan kekal di dalamnya buat selama-lamanya. Hukuman Allah SWT adalah adil dan tidak perlu penyaksian manapun pihak .

1.4 PENGERTIAN AL-JAZA’ DI DALAM AL-QUR’AN

Secara umum, kalimah *jaza'* boleh diertikan sebagai balasan baik dan buruk, sebagai balasan nikmat dan azab serta balasan syurga dan neraka.²⁷ *Fi'l* (جزی) disebut sebanyak 72 kali di dalam al-Qur'an. 30 tempat kalimah *jaza'* (kebaikan), 29 tempat bagi kalmiah *jaza'* (keburukan) dan 13 tempat yang membawa maksud balasan baik dan buruk.²⁸

Menurut Ensiklopedia Islam *al-jaza'* disebut di dalam al-Qur'an dengan berbagai *sighah*. Sebanyak 116 kali dalam al-Qur'an yang tersebar dalam 47 surah (30 surah *Makkiyyah* dan 17 surah *Madaniyyah*). Diantara 116 sebutan itu, 42 kali merupakan balasan baik (pahala), 49 kali balasan buruk (siksa) dan 25 kali balasan tanpa menyebutkan baik atau buruk. Dalam ayat-ayat tersebut, pengertian *jaza'* umumnya berkaitan dengan balasan Allah SWT di akhirat, kecuali yang terdapat dalam beberapa ayat seperti surah al-Baqarah ayat 85, surah al-Maidah ayat 33 dan 95, surah Yusuf ayat 22 dan 25, surah al-Qasas ayat 25 dan surah al-Saffat ayat 80, 105, 110, 121 dan 131.²⁹

Berikut disenaraikan beberapa contoh ayat al-Qur'an yang menerangkan penggunaan perkataan *jaza'* :

1.4.1 *Fi'l Jaza'* yang bermaksud balasan baik

Firman Allah SWT :

²⁷ 'Abd al-Sabbur Marzuq (Dr)(1995), *Op.cit*, c.1, j.1, h.463 lihat juga Kamil Muhammad Salim al-Jazzar, (2006) *Op.cit*, j.1, c.1, h.202 lihat juga Majma' al-Lughat al-'Arabiyyah (t.t) *Mu'jam alfaz al-Qur'an al-Karim*, c.2,j.1, h.191

²⁸ Muhammad al-'Adnani (1986), *Mu'jam al-Aghlaz al-Lughawiyyah al-Mu'asirah*, Beirut : Maktabah Lubnan, h. 122

²⁹ H. Abuddin Nata *et. al* (Dr.)(1999), *Ensiklopedia Islam*, Jakarta, c.3, h.284-285

💀 ← ⚡ 📁 ♦ 8 ☀ 🔮 ♦ □

• ☐ ☒ ☓ ☔ ☕ ☖ ☗

ੴ ਦਾ ਅੰ ੨ ੩ ਖੁ ੨ ਘੁ ਚੁ ਫੁ

Maksudnya : Dan dia memberi balasan kepada mereka kerana kesabaran mereka (dengan) syurga dan (pakaian) sutera.

(al-Insan, 76:12)

Firman Allah SWT :

Maksudnya : Balasan mereka itu ialah keampunan dari Tuhan dan syurga yang mengalir air sungai dibawahnya, sedang mereka kekal di dalamnya. Itulah sebaik-sebaik pahala bagi orang yang beramal.

(Ali-‘Imran, 3:136)

Firman Allah SWT :


Maksudnya : Mereka memperoleh apa yang mereka kehendaki pada sisi Tuhan mereka. Demikianlah balasan orang-orang yang berbuat baik.

(al-Zumar, 39:34)

Berbagai bentuk balasan baik yang dikurniakan oleh Allah SWT kepada hambaNya yang beriman, diantaranya ialah keampunan dari Allah, balasan syurga dan dipakaikan pakaian sutera, seterusnya diberi gambaran tentang syurga dimana mengalir sungai-sungai di dalamnya. Bukan itu sahaja, segala keinginan mereka akan disempurnakan oleh Allah, dan puncak kenikmatan bagi mereka apabila dapat melihat Allah SWT. Inilah balasan yang akan diterima bagi mereka yang beriman dengan Allah SWT dan RasulNya.

1.4.2 *Fi'l Jaza'* yang bermaksud balasan buruk


Firman Allah SWT :



Maksudnya : Mereka mempunyai tikar tidur dari api neraka dan di atas mereka ada selimut (api neraka)³⁰. Demikianlah kami memberi balasan kepada orang-orang yang zalim.

(al-A'raaf , 7: 41)

Firman Allah SWT :



³⁰ Maksudnya : mereka terkepung dalam api neraka

ଓ ক ব শ স র প ল ম দ ন হ য এ ই ও

Maksudnya : Mereka itu, balasannya ialah: bahwasanya la'nat Allah ditimpakan kepada mereka, (demikian pula) la'nat para malaikat dan manusia seluruhnya.

(Ali-‘Imran, 3: 87)

Firman Allah SWT :

A large grid of 100 icons representing various concepts from the Telugu language, including symbols for numbers, letters, and common objects.

Maksudnya : Kemudian Allah menurunkan ketenangan kepada RasulNya dan kepada orang-orang yang beriman, dan Allah menurunkan bala tentara yang kamu tiada melihatnya, dan Allah menimpa bencana kepada orang- orang yang kafir, dan demikianlah pembalasan kepada orang-orang yang kafir.

(al-Taubah, 9: 26)

Ayat di atas menjelaskan bentuk-bentuk *jaza'* Allah yang dikenakan ke atas golongan yang ingkar, antaranya kutukan dan lagnat dari Allah SWT, bala bencana yang keras seperti gempa bumi, banjir besar, ribut taufan, kebakaran dan seumpamanya. Ini berlaku disebabkan sikap manusia sendiri yang ingkar terhadap ajaran-ajaran yang dibawa oleh Rasul Allah.

1.4.3 *Fi'l Jaza'* yang menunjukkan balasan baik dan balasan buruk

Firman Allah SWT :

Maksudnya : Segungguhnya hari kiamat itu akan datang Aku merahsiakan (waktunya) agar supaya tiap-tiap diri itu dibalas dengan apa yang ia usahakan.
(Tahaa, 20:15)

Firman Allah S.W.T :

Maksudnya : Agar Allah memberi pembalasan kepada tiap-tiap orang terhadap apa yang ia usahakan. Sesungguhnya Allah Maha cepat hisab-Nya.

(Ibrahim,14 : 51)

Firman Allah lagi :

Maksudnya: dan agar dibalasi tiap-tiap diri terhadap apa yang dikerjakannya, dan mereka tidak akan dizalimi.

(al-Jathiyah, 45:22)

Bahagian yang ketiga ini lebih bersifat umum, ia ditujukan kepada hamba-hamba Allah sama ada Islam atau kafir. Antara bukti kasih sayang Allah kepada hamba-hambanya ialah nikmat kurniaan akal yang mana dengannya manusia boleh berfikir baik atau buruk, dosa atau pahala, betul atau salah dan seumpamanya. Penurunan kitab suci al-Qur'an kepada Rasulullah SAW menjadi pelengkap kepada pedoman hidup manusia agar mereka tidak terjerumus ke lembah kebinasaan atau kesesatan.

Merujuk kepada ayat 15 surah Taaha, Allah SWT merahsiakan waktu berlakunya kiamat daripada hamba-hambanya. Ia bertujuan menguji keimanan dan ketaqwaan hamba-hambaNya, agar mereka ikhlas dalam beramal dan lebih bersedia untuk menghadapinya. Walaubagaimanapun Allah Maha 'Adil, diceritakan tanda-tanda awal dan tanda-tanda akhir akan berlakunya kiamat. Ini semua dijelaskan di dalam al-Qur'an yang menjadi sumber rujukan utama umat Islam.


Kesimpulannya, konsep *al-jaza'* terkandung dalam dua pengertian iaitu:

- a. *Jaza'* Allah berlaku dalam dua keadaan, kebaikan dan keburukan, Allah SWT menjelaskan di dalam firmanNya :



Maksudnya : Dan dia memberi balasan kepada mereka kerana kesabaran mereka (dengan) syurga dan (pakaian) sutera.

FirmanNya lagi :




Maksudnya : Mereka itu, balasannya ialah: bahwasanya la'nat Allah ditimpakan kepada mereka, (demikian pula) la'nat para malaikat dan manusia seluruhnya.
(Ali-'Imran, 3: 87)

- b. *Jaza'* Allah menimpa secara umum sama ada orang beriman atau kufur, *Sunnatullah* menetapkan bahawa sesiapa yang melakukan kemungkaran ia akan menerima balasannya, jika kebaikan yang diterimanya maka itu adalah berupa rahmat dan kasih sayang Allah, akan tetapi jika musibah yang menimpanya, maka itu adalah pilihannya sendiri kerana Allah SWT telah mengurniakan akal untuk membimbing manusia, Rasul sebagai penunjuk kebenaran dan al-Qur'an dan al-Hadith sebagai pedoman hidup.

1.5 PENGERTIAN KAUM YANG INGKAR

Perkataan ingkar bermaksud tidak membenarkan, menyangkal dan mungkir.³¹ Kalimah arabnya dari kata dasar انكارا ينكر yang bermaksud tidak mengetahui dan mengingkari.³²

Firman Allah lagi:



Maksudnya : Mereka mengetahui nikmat Allah, kemudian mereka mengingkarinya dan kebanyakan mereka kafir.

(al-Nahl, 16:83)

Berdasarkan ayat di atas, penulis cenderung menyatakan bahawa kaum yang ingkar di sini ialah golongan kafir. Kenyataan ini berdasarkan beberapa fakta berkaitan pengertian kafir serta ciri-ciri golongan tersebut.

1.5.1 PENGERTIAN GOLONGAN KAFIR MENURUT BAHASA

Menurut Ibn Faris, huruf *kaf*, *fa* dan *ra* merupakan asal yang betul, menunjukkan makna yang satu iaitu tutup dan dinding. Dikatakan kepada sesiapa yang menutup baju besi dengan bajunya, sesungguhnya dia telah mengkufur (menutup) baju besinya.³³ Lawan bagi

³¹ Teuku Iskandar (Dr.) (1993), *Op.cit.*, c.4, h.4

³² Hj Uthman bin Hj Khalid (2006), *Op.cit.*, c.1, h.2432

³³ Ahmad bin Faris bin Zakariyya (1998), *Mu'jam al-Maqayis fi al-Lughah*, Beirut: Dar al-Fikr ,c.2, h.930-931

kufur ialah iman, dinamakan demikian kerana kekufuran itu menutup kebenaran.³⁴ Kufur juga dikaitkan dengan nikmat Allah. Kufur nikmat lawannya ialah syukur.³⁵ dinamakan orang kafir itu kerana mengingkari nikmat-nikmat Allah, dikatakan juga kafir kerana kekufuran itu menutup seluruh hatinya.³⁶

1.5.2 PENGERTIAN GOLONGAN KAFIR MENURUT ISTILAH

Kufur dari segi istilah *syara'* ialah mengingkari sesuatu yang mesti diketahui daripada perkara yang berkaitan agama Islam seperti mengingkari wujudnya Allah SWT, mengingkari kerasulan Nabi Muhammad SAW, ingkar terhadap pengharaman zina dan sebagainya.³⁷ Menurut ‘Abd al-Rahman Hasan Habannakah perkataan *kufur* digunakan kepada istilah agama untuk menunjukkan sesuatu perkara yang berlawanan dengan iman dan Islam. Oleh itu, sesiapa yang enggan beriman dengan rukun-rukun iman setelah jelas bukti-buktinya, maka dia kafir. Dan sesiapa yang enggan menyerah diri kepada Allah SWT ke atas perkara agama, maka dia kafir.³⁸

1.5.3 SIFAT-SIFAT GOLONGAN KAFIR

Al-Qur'an menjelaskan beberapa sifat golongan kafir, :

³⁴ *Ibid.* h.931

³⁵ Muhammad bin Abi Bakr bin ‘Abd al-Qadir al-Razi (2008), *Mu’jam Mukhtar al-Sahah*, Beirut : Dar Sadir, c.1, h.352


³⁶ Muhammad bin Mukarram (t.t), *Lisan al-‘Arab*,Beirut : Dar Ihya’ al-Turath al-‘Arabiyy, c.3, j.12, h.118

³⁷ Muhammad ‘Ali bin Ahmad bin Sa’id Ibn Hazm al-Zahiriyy (2004), *al-Ihkam Fi Usul al-Ahkam*, Beirut: Dar al-Kutub al-‘Ilmiyyah, c.1, j.1, h.67

³⁸ ‘Abd al-Rahman Hassan Habannakah al-Maydani (1993), *Zahirat al-Nifaq Wa Khabaith al-Munafiqin*, Damsyiq: Dar al-Qalam, j.1, Dimasyq, c.1, j.1, h.46

1. Sombong dan dengki

Firman Allah SWT :




Maksudnya : Tuhanmu, Tuhan yang Esa, orang-orang yang tidak beriman dengan akhirat , hati mereka ingkar dan mereka itu orang-orang yang sombang.

(al-Nahl,16:22)

Sifat sompong dan takbur yang tebal menyebabkan mereka enggan mengiktiraf keesaan Allah SWT walaupun terdapat bukti-bukti yang jelas dan nyata. Malahan sifat tersebut telah sebatи dalam jiwa mereka³⁹ Menurut ulama', setiap kesalahan atau perbuatan dosa dapat disembunyikan melainkan takbur kerana ia jelas dapat dilihat dan tidak mungkin dapat disembunyikan.⁴⁰

2. Tidak menerima peringatan

Firman Allah SWT :



Maksudnya : Sesungguhnya orang-orang yang kafir (ingkar) sama bagi mereka, engkau beri peringatan mereka atau tidak engkau beri peringatan, nescaya tidak juga beriman.

(al-Baqarah, 2:6)


³⁹ Abi Su'ud Muhammad bin Muhammad al-'Ummadi (t.t), *Tafsir Abi al-Su'ud al-Musamma Irshad al-'Aql al-Salim ila Mazaya al-Qur'an al-Karim*, Mesir: Maktabah Wa Matba'ah Muhammad 'Ali sabih Wa Auladuhu, j.2, h.169

⁴⁰ Muhammad bin Ahmad al-Ansari al-Qurtubi (1999), *al-Jami' Li Ahkam al-Qur'an*, Beirut : Dar al-Fikr, i.10, h.70

Menurut Ibnu ‘Abbas, Rasulullah SAW berusaha bersungguh-sungguh dalam dakwahnya untuk memastikan seluruh umat Islam mengikuti petunjuk yang dibawanya. Allah SWT menurunkan ayat ini dengan memberitahu kepada baginda bahawa tidak akan beriman melainkan orang yang dikurniakan kebahagiaan kepada mereka dan tidak akan sesat melainkan golongan yang telah ditetapkan bahawa mereka berada di dalam keadaan celaka.⁴¹ Dalam ayat tersebut dijelaskan sifat-sifat golongan kafir yang sentiasa berada di dalam kekufuran dan kesesatan kerana segala peringatan tidak memberi manfaat kepada mereka.⁴²

3. Bodoh

Firman Allah SWT:



Maksudnya : Berkata rasul-rasul : patutkah kamu ragu-ragu tentang Allah yang menciptakan langit dan bumi.

(Ibrahim, 14:10)

Dalam ayat tersebut, Allah SWT membersihkan diriNya daripada sebarang keraguan dan menegaskan bahawa mereka yang meragui kewujudan dan keesaanNya, mempunyai pemikiran yang sangat lemah.⁴³

⁴¹ Jalal al-Din ‘Abd al-Rahman bin Abi Bakr al-Suyuti (2000), *al-Dur al-Manthur Fi al-Tafsir al-Ma’thur*, Beirut : Dar al-Kutub al-‘Ilmiyyah, j.1, h.65


⁴² Shahab al-Din al-Sayyid Mahmud al-Alusi al-Baghdadi (2001), *Ruh al-Ma’ani Fi Tafsir al-Qur’an al-Azim Wa al-Sab’ al-Mathani*, Beirut : Dar al-Ihya’ al-Thurath al-‘Arabi, e.1 j.1 h..128

⁴³ *Ibid.*, j.13, h.195

4. Mendustai Rasul

Setiap rasul yang diutuskan oleh Allah akan berhadapan dengan berbagai cabaran dari golongan kafir, antaranya penghinaan, tuduhan yang melampau seperti pendusta, gila, sesat dan sebagainya. Para rasul bukan sahaja didustai malah dibuat permintaan yang pelik untuk membuktikan kerasulan dan ia akan berakhir dengan janji-janji kosong dari golongan kafir. Perkara seperti ini banyak dijelaskan di dalam al-Qur'an.


Sebagai contoh, kaum Nabi Nuh a.s yang menuduhnya sebagai pendusta dan sesat serta menolak ajaran yang dibawa. Firman Allah SWT :



Maksudnya: Berkata orang-orang bangsawan di antara kaumnya: sesungguhnya kami melihat engkau dalam kesesatan yang nyata.

(al-A'raf, 7:60)

Firman Allah lagi :





Maksudnya : Berkata orang-orang bangsawan yang kafir di antara kaumnya: Kami tidak melihat engkau, melainkan seorang manusia seumpama kami dan kami tidak melihat orang yang mengikut engkau, melainkan orang-orang yang hina di antara kami, (lagi) pendek fikirannya, dan kami tidak melihat engkau mempunyai kelebihan di atas kami, tetapi kami menyangka bahawa kamu orang yang bohong,

(Hud, 11:27)

Nabi Muhammad SAW juga tidak terlepas daripada menerima tentangan dari golongan kafir yang turut mendustai kerasulan Baginda. Firman Allah SWT :



Maksudnya : Dan mereka ta'jub, kerana datang kepada mereka orang memberi peringatan di antara mereka, dan berkata orang-orang kafir : (orang) itu tukang sihir lagi pendusta.

(Saad, 38:4)

Mereka mengucapkan kata-kata ini selepas menyaksikan *mu'jizat* yang tidak mungkin dapat dilakukan oleh manusia biasa. Mereka mendakwa Baginda seorang ahli sihir dengan *mu'jizat* yang dimilikinya dan menuduhnya berdusta kerana mengatakan risalah yang disampaikan itu datangnya daripada Allah SWT.⁴⁴ Kata-


⁴⁴ Muhammad bin 'Ali bin Muhammad al-Shawkani (t.t), *Fath al-Qadir*, 'Alam al-Kutub, j.4, h.420

kata seumpama ini tidak akan dituturkan melainkan oleh golongan yang terlalu jauh berada dalam kekufuran dan begitu fanatik mempertahankannya. Juteru itu mereka sanggup menuduh seseorang yang telah dii'tiraf kebenarannya oleh Allah SWT sebagai pendusta dan ahli sihir. Mereka berasa sungguh pelik dengan ajaran tauhid yang di bawa oleh Baginda, tetapi tidak berasa pelik dengan perbuatan mereka mensyirikkan Allah.⁴⁵

Hakikatnya, sikap golongan kafir yang suka membuat tuduhan serta permintaan yang luar biasa dari para rasul bukanlah bertujuan untuk beriman dengan dakwah Baginda, tetapi sekadar mempermain-mainkankannya, malangnya perbuatan jahat mereka akan berbalik semula kepada mereka dengan azab yang menyiksakan di akhirat nanti.

5. Mendustakan al-Qur'an

Golongan *kuffar* juga mendustakan kitab suci al-Qur'an yang merupakan *mu'jizat* agung Nabi Muhammad SAW. Allah menjelaskan perkara ini melalui firmanNya:



Maksudnya : Berkata orang-orang kafir (ingkar) tatkala datang kebenaran kepadanya: Ini tidak lain, hanya semata-mata sihir yang nyata.

⁴⁵ 'Abd Allah bin Ahmad bin Mahmud al-Nasafi (1995), *Tafsir al-Nasafi al-Musamma Madarik al-Tanzil Wa Haqaiq al-Ta'wil*, Beirut : Dar al-Kutub al'Ilimiyah, c.1, j.2, h.429

Tohmahan tersebut tidak terhenti setakat itu sahaja, malah ia disusuli dengan perbuatan yang melampau dari golongan ini, ini berdasarkan firman Allah SWT:



Maksudnya : Dan berkata orang-orang kafir: Janganlah kamu dengar al-Qur'an ini dan berteriak-teriaklah ketika mendengarnya, mudah-mudahan kamu mengalahkannya.

(Fussilat, 41:26)

Menurut Ibn 'Abbas, ayat ini menceritakan perbuatan Abu jahal yang memerintahkan pengikutnya menjerit dan membuat bising di sisi Nabi Muhammad SAW sekiranya Nabi membaca al-Qur'an. Tujuannya adalah untuk menghalang sesuatu bacaan itu difahami dan dihayati dengan sebaiknya oleh Baginda.⁴⁶

Menurut Muhammad Ibn Idris, Ahli Kitab ialah golongan yang mengubah hukum hakam yang terkandung dalam kitab suci, mereka juga telah kufur terhadap Allah SWT dan mereka-reka pendustaan menerusi lidah-lidah mereka serta mencampur adukkan kebatilan dengan kebenaran yang datang daripada Allah SWT.⁴⁷

⁴⁶ Muhammad bin Ahmad al-Ansari al-Qurtubi (2002), *al-Jami' Li Ahkam al-Qur'an*, al-Kaherah : Dar al-Hadith, j.15, h.301


⁴⁷ Muhammad Ibn Idris al-Syafi'e (1979), *al-Risalah*, Kaherah : Maktabah Dar al-Turath, c.2, h.8

1.6 SIFAT GOLONGAN KAFIR MENURUT AHLI AL-MA'ANI

Menurut al-Qurtubi, Ahli *al-Ma'ani* berkata : Allah SWT mensifatkan hati-hati orang kafir dengan sepuluh sifat :⁴⁸

1. Ingkar

Firman Allah SWT :




Maksudnya : Tuhanmu, Tuhan yang Esa, orang-orang yang tidak beriman dengan akhirat , hati mereka ingkar dan mereka itu orang-orang yang sombong.

(al-Nahl, 16:22)

2. Sombong

Firman Allah SWT :



⁴⁸ Abi 'Abd Allah Muhammad bin Ahmad al-Ansari al-Qurtubi (2003), *al-Jami' Li Ahkam al-Qur'an*, Dar al-Fikr, i.1, h.167

Maksudnya : (Iaitu) ketika orang-orang kafir menimbulkan perasaan sombang yang ada di dalam hati mereka.

(al-Fath, 48 :26)

3. Berpaling dari kebenaran

A decorative horizontal banner featuring various icons including numbers (7, 3, 2), shapes (diamond, flower, sun, skull), and symbols (clock, document, telephone, arrow, gear, car, bus, train, plane, star, pen, bell, and a symbol resembling a stylized 'E').

Maksudnya : Kemudian mereka berpaling (keluar). Allah memalingkan hati mereka, kerana mereka kaum yang tidak mengerti.

(al-Taubah, 9:127)

4. Keras hati

Firman Allah SWT :

Maksudnya : Maka celakalah bagi orang yang keras hatinya dari mengingati Allah.

(al-Zumar, 39:22)

5. Hati mati

Maksudnya : Sesungguhnya yang memperkenankan (seruan kamu) hanya orang-orang yang mendengar. Tetapi orang-orang yang mati (hatinya) nanti Allah akan membangkitkannya.

(Al- An'aam, 6:36)

6. Hati berkarat

Maksudnya : Sekali-kali tidak, tetapi telah berkarat hati mereka, kerana dosa yang telah mereka usahakan

(al-Mutaffifin, 83:14)

7. Penyakit hati

Maksudnya : Di dalam hati mereka ada penyakit (syak wasangka)
(al-Baqarah, 2 :10)

8. Sempit dada

Maksudnya : Dan barangsiapa yang dikehendaki Allah akan menyesatkannya,
Dia jadikan dadanya sempit dan sesak.

(al-An'aam, 6:125)

9. Dicop



Maksudnya: lalu ditutup mata hati mereka, sehingga mereka tidak mengerti
(al-Munafiqun, 63:3)

10. Dicop



Maksudnya : Allah telah memohor hati mereka

(al-Baqarah, 2: 7)

1.7 GOLONGAN KAFIR MENURUT AL-QUR'AN


Terdapat beberapa golongan yang dikategorikan kafir. Golongan tersebut adalah, Ahli Kitab, *al-Sabiah*, *al-Majusi*, *Musyrik* dan *Dahriyyun*.⁴⁹

1.7.1 AHLI KITAB

Al-Jassas berpendapat Ahli Kitab ialah daripada golongan Yahudi dan Nasrani.

Mereka berpendapat demikian berdasarkan firman Allah SWT :⁵⁰

⁴⁹ 'Abd al-Karim Zaidan (Dr)(1988), *Ahkam al-Dzimmiyyin Wa al-Mustakminin Fi Dar Islam*, Beirut: Muassasah al-Risalah, c.2, h. 11-15



Maksudnya : (Kami turunkan Kitab itu), supaya jangan kamu berkata : Sesungguhnya Kitab itu hanya diturunkan kepada dua golongan manusia sebelum kami (Yahudi, Nasrani) dan sesungguhnya kami lengah (tidak mahu mempelajarinya.

(al-An'aam, 6 :156)

Menurut al-Jassas, agama Yahudi dan Nasrani dikatakan bukan agama yang benar berdasarkan beberapa kenyataan :⁵¹ Pertama, mereka tidak mentaati perintah Allah kerana mendustai kerasulan Nabi Muhammad SAW. Kedua, mereka mengakui beriman dengan Taurat dan Injil, sedangkan di dalam Taurat dan Injil disebut kenabian Rasulullah SAW, perintah beriman dan mengikuti hukum syara' yang terdapat di dalamnya, akan tetapi mereka tidak beramal dengannya bahkan mengingkarinya. Ketiga, hukum syariat yang terdapat dalam kedua-dua kitab tersebut telah *dimansukh*, dan jika beramal dengannya selepas *dimansukh* adalah sesuatu yang sesat. Keempat, mereka telah mengubah dan memutarbelitkan makna asal kandungan kitab Taurat dan Injil agar bersesuaian dengan nafsu dan keinginan mereka.

1.7.2 AL-SABIAH

⁵⁰ Ahmad bin 'Ali al-Razi al-Jassas (t.t), *Ahkam al-Qur'an*, Beirut: Dar al-Kutub al-'Ilmiyyah, j.3, h.118

⁵¹ *Ibid.* h.118

Fuqaha' berselisih pendapat dalam menentukan siapakah golongan *al-Sabiah*. Abu Hanifah mengatakan mereka adalah golongan Ahli Kitab manakala Abu Yusuf dan Muhammad mengatakan sebaliknya. Menurut Abu Hasan al-Karakhi, golongan *al-Sabiah* yang dikatakan Ahli Kitab oleh Abu Hanifah ialah mereka yang berpegang dengan agama yang dibawa oleh Nabi 'Isa a.s dan mereka membaca injil. Manakala golongan yang menyembah bintang-bintang, maka mereka bukan dalam kalangan Ahli Kitab. Diriwayatkan daripada Imam Ahmad bin Hambal bahawa mereka adalah dalam kalangan Nasrani dan ada diriwayatkan bahawa mereka dalam kalangan orang Yahudi. Diriwayatkan daripada Hassan al-Basri bahawa kedudukan mereka sama seperti orang Majusi. Menurut Imam al-Auzai' dan Imam Malik mereka adalah golongan musyrik di antara Yahudi dan Nasrani yang tidak mempunyai apa-apa kitab.⁵² Kesimpulannya para fuqaha' berselisih pendapat tentang golongan ini kerana hakikat sebenar pegangan mereka tidak jelas.

1.7.3 MAJUSI

Mereka adalah golongan yang menyembah api serta mendakwa kenabian *Zaradashat*. Mereka terbahagi kepada beberapa golongan, antaranya ialah golongan *Mazdakiyyah* yang berpendapat bahawa mereka mempunyai hak bersama ke atas golongan wanita dan pekerjaan, sebagaimana mereka mempunyai hak bersama untuk mendapatkan air dan udara. Golongan *Kharmiyyah* pula tidak mempercayai kewujudan pencipta, hari balasan, kenabian serta hukum halal dan haram. Oleh itu mereka merupakan golongan yang paling dahsyat dalam agama *Majusi*.⁵³


⁵² 'Abd al-Karim Zaidan (Dr)(1988), *Op.cit.*, c.2, h. 12-13

⁵³ *Ibid.*, h.14

1.7.4 MUSYRIK

Golongan ini mengakui Allah SWT, tetapi mereka tidak mengesakannya dalam ibadat. Sebagai contoh, antara manusia yang termasuk dalam golongan ini ialah golongan yang menyembah berhala dalam kalangan orang Arab dan golongan yang menyembah matahari atau malaikat.⁵⁴

Semua golongan yang disebut di atas disimpulkan di dalam satu firman Allah SWT :




Maksudnya : Sesungguhnya orang-orang yang beriman, orang-orang Yahudi, orang-orang Sabiin, (menyembah bintang), orang-orang Nasrani, orang-orang Majusi dan orang-orang Musyrik, sesungguhnya Allah akan menghukum diantara mereka pada hari kiamat. Sesungguhnya Allah menjadi saksi atas setiap sesuatu.

(al-Haj, 22:17)

1.7.5 DAHRIYYUN

⁵⁴ *Ibid.*, h.15

Golongan ini mengingkari kewujudan Tuhan, mereka menyatakan bahawa tiada Tuhan dan tiada pencipta alam ini. Semua ini terjadi tanpa pencipta.⁵⁵ Golongan ini juga tidak mempercayai dengan hari kiamat, menurut mereka masa akan berkekalan.⁵⁶ Allah SWT menjelaskan kewujudan mereka dalam firmanNya:



Maksudnya : Dan mereka berkata: hidup ini tidak lain, hanya hidup kita di dunia, setengah) kita mati dan(setengah) kita hidup dan tiadalah yang mematikan kita, kecuali masa (pertukaran malam dan siang). Padahal tiada bagi mereka pengetahuan tentang itu, mereka tidak lain hanya menyangka sahaja.

(al-Jathiah, 45 :24)

1.8 KESIMPULAN

Kalimah *jaza'* menurut al-Qur'an membawa maksud yang tersendiri, ia di sebut dengan berbagai *sighah* yang boleh ditafsirkan sebagai balasan baik, balasan buruk dan sesuai untuk balasan kedua-duanya. Kaum yang ingkar yang dimaksudkan di sini ialah golongan kafir yang terdiri daripada Ahli Kitab, *al-Sabiah*, *Majusi*, *Musyrik* dan *Dahriyyun*.

⁵⁵ *Ibid*, h.15

⁵⁶ Hj. Uthman b. Hj. Khalid (2006), *Op.cit.*, c.1, h.784

BAB DUA:

KAUM YANG INGKAR MENURUT SURAH ALI-‘IMRAN

2.1 PENGENALAN

Surah Ali-‘Imran mengandungi 200 ayat menceritakan banyak perkara yang boleh dijadikan pedoman dan sebagai pengajaran kepada manusia. Hampir separuh dari surah ini mengisahkan tentang Ahli Kitab yang terdiri dari kaum Nasrani yang sentiasa menimbulkan keraguan tentang agama Islam, al-Qur’ān dan Nabi Muhammad SAW. Mereka turut berdebat tentang *al-Masih*, ‘Isa ‘alayhi al-Salam yang dianggap sebagai tuhan dan mereka mendustai Risalah yang dibawa oleh Nabi Muhammad SAW dan seterusnya mengingkari kebenaran kitab suci al-Qur’ān. Surah Ali-‘Imran juga menceritakan mengenai Perang Badar dan Perang Uhud, serta pengajaran yang boleh diambil oleh orang-orang mukmin kerana kekalahan mereka dalam Perang Uhud, Walaubagaimanapun terdapat hikmah di sebalik kekalahan tersebut, Allah ingin memberi pengajaran supaya orang-orang mukmin menjauhkan diri dari penyakit hati dan mereka dapat membezakan di antara perkara yang hak dan batil.⁵⁷

⁵⁷ Muhammad ‘Ali al-Sabuni (t.t), *Safwat al-Tafasir*, Mesir:Dar al-Sabuni, j.1, h.182

2.2 KAUM-KAUM YANG INGKAR

Berdasarkan pemerhatian, penulis mengkategorikan kaum yang ingkar dalam surah Ali-'Imran kepada dua golongan, iaitu Ahli Kitab (Golongan Yahudi dan Nasrani) dan pejuang Islam yang ingkar arahan Rasulullah SAW dalam Perang Uhud. Walaubagaimanpun, kajian ini lebih menjurus kepada golongan Ahli Kitab yang paling banyak menimbulkan masalah serta gemar menimbulkan keraguan mengenai agama Islam.


2.3 AHLI KITAB

Menurut jumhur ulama' mereka terdiri daripada golongan Yahudi dan Nasrani. Al-Qur'an menjelaskan bahawa Ahli Kitab ini terbahagi kepada dua iaitu yang beriman dan yang kufur.

2.3.1 DUA GOLONGAN AHLI KITAB

Golongan Ahli Kitab dalam kalangan Yahudi terbahagi kepada dua, iaitu mereka yang beriman dengan Allah dan mereka yang memilih kekufuran. Perkara ini dijelaskan oleh Allah melalui firmanNya :






Makudnya : Mereka itu tidak sama, diantara Ahli Kitab ada segolongan yang lurus, mereka membaca ayat-ayat Allah di waktu malam sedang mereka sujud (113). Mereka beriman kepada Allah dan hari kemudian dan mereka menyeru kepada kebaikan dan mereka mencegah kemungkaran dan mereka segera mengerjakan kebaikan dan mereka termasuk dikalangan orang-orang saleh (114). Dan apa saja kebaikan yang mereka kerjakan, nescaya tidaklah dikurangkan pahalanya dan Allah Maha Mengetahui orang-orang yang bertaqwa (115). Sesungguhnya orang-orang kafir, tidak bermanfaat bagi mereka harta bendanya dan tidak pula anak-anaknya dari (seksa) Allah sedikit pun, Dan mereka itu ialah penghuni neraka, sedang mereka kekal di dalamnya.

(Ali-'Imran, 3:113-116)

2.3.2 SIKAP KEJI AHLI KITAB

- a. Dakwaan Ahli Kitab Nabi 'Isa mati disalib

Firman Allah SWT:



Maksudnya : Dan mereka itu menipu Allah dan Allah menipu mereka pula (membalas tipuannya) dan Allah sebaik-baik (membala) orang yang menipu (54) (Ingatlah) ketika Allah berfirman : Ya ‘Isa sesungguhnya Aku wafatkan engkau dan mengangkat engkau kepadaKu dan menyucikan engkau dari orang-orang kafir dan menjadikan orang-orang yang mengikutmu berada di atas mereka yang kafir, sampai hari kiamat. Kemudian tempat kembalimu kepadaKu, lalu Aku menghukumkan antara kamu tentang apa yang kamu perselisihkan.

(Ali-‘Imran, 3 : 54-55)

Allah SWT memaklumkan tentang perancangan jahat sekumpulan Bani Israil untuk membunuh ‘Isa a.s. Mereka membuat tuduhan palsu terhadap baginda, lalu mengemukakannya kepada raja pada zaman itu. Raja tersebut adalah orang kafir. Mereka mengatakan: “ Di sini terdapat seorang yang menyesatkan manusia dan menghalang orang ramai taat kepada raja, dia melakukan kerosakan, memecahbelahkan hubungan antara anak

dan ayah". Kemudian mereka melakukan tipu daya untuk membunuh baginda. Bagaimanapun Allah membatalkan dan merosakkan perancangan jahat mereka. Allah SWT mengutuskan malaikat bagi menggantikan penangkapan baginda, juga untuk di salib dan dikenakan seksaan. Apabila mereka mengepung rumah baginda dan menyangka bahawa mereka dapat menangkapnya, baginda digantikan dengan lelaki lain yang mempunyai wajah serupa. Allah SWT menyelamatkan baginda dan mengangkatnya ke langit.⁵⁸

b. Sikap Ahli Kitab hendak menyesatkan umat Islam

Firman Allah SWT dalam ayat 69




Maksudnya : Dan segolongan diantara Ahli Kitab bercita-cita hendak menyesatkan kamu, dan tidaklah mereka menyesatkan (orang lain) hanya diri mereka sendiri, tetapi mereka tidak sadar.

(Ali-'Imran, 3: 69)

Sebenarnya golongan Yahudi akur dengan kebenaran Agama Islam yang dibawa oleh Nabi Muhammad SAW, akan tetapi sifat sompong yang dimiliki menyebabkan mereka terus berada di dalam kesesatan. Dalam masa yang sama juga mereka turut berusaha untuk menyesatkan umat Islam yang lain dengan melakukan berbagai cara, ini ditegaskan oleh Allah melalui firmanNya:

⁵⁸ Wahbah al-Zuhayli (Dr) (2005), *al-Tafsir al-Munir Fi al-'Aqidah Wa al-Syari'ah Wa al-Manhaj*, Damsyiq: Dar al-Fikr, c.8, j.2, h.261



Maksudnya : Dan berkata satu golongan diantara Ahli Kitab (kepada temannya): Berimanlah kepada (al-Qur'an) yang diturunkan kepada orang-orang yang beriman pada pagi hari dan kafirlah kamu pada petang harinya, mudah-mudahan orang-orang beriman itu kembali (kepada agama kita)

(Ali-'Imran, 3 :72)

Ayat di atas menunjukkan bahawa ketua-ketua dan pendeta-pendeta mereka menyuruh pengikutnya bersikap demikian, iaitu berpura-pura menzahirkan keimanan mereka dengan al-Qur'an.⁵⁹


Menurut Habannakah, tindakan ini dilakukan kerana beberapa tujuan, pertama, untuk memerangkap sebahagian umat Islam. Mereka berharap dengan tindakan mereka yang murtad akan mempengaruhi umat Islam supaya turut murtad. Kedua, Menimbulkan suasana tidak tenang dan memecahbelahkan perpaduan di kalangan umat Islam serta menghilangkan kekuatan mereka. Ketiga, Menimbulkan keluh kesah umat Islam, keraguan dan kebingungan.⁶⁰

⁵⁹ Mustafa al-Khairi al-Mansuri,(1996), *al-Muqtataf min 'Uyun al-Tafsir*, Kaherah: Dar al-Salam, c.1, j.1, h.337

⁶⁰ 'Abd al-Rahman Hasan Habannakah al-Maydani (1992), *Makayid Yahudiyyah Abr al-Tarikh*, Damsyiq: Dar al-Qalam, c.6, h.53

Menurut Muhammad Qutb, inilah cara yang digunakan sejak 14 kurun yang lalu dan ia berterusan hingga ke hari ini dalam bentuk yang mungkin agak berbeza. Namun demikian, matlamatnya tetap sama iaitu untuk menimbulkan keraguan dalam kalangan umat Islam.⁶¹ Realiti yang berlaku menyaksikan bahawa golongan Yahudi berpura-pura masuk ke dalam semua agama bagi tujuan menghancurkan kekuatan penganut agama tersebut dan seterusnya menguasai mereka. Keadaan ini berlaku di mana sahaja sama ada di Timur atau di Barat.⁶²

Firman Allah SWT :



Maksudnya : Katakanlah : Wahai Ahli kitab, mengapakah kamu menghalang orang yang beriman dari jalan (agama) Allah, kamu menghendaki jalan yang bengkok, sedang kamu mengetahui? Dan Allah tidak lalai dari apa yang kamu lakukan.


(Ali-‘Imran, 3 :99)

⁶¹ Muhammad Qutb (1983), *Dirasat Qur’aniyyah*, Beirut : Dar al-Syuruq, c.7, h.351

⁶² Taufiq al-Wa’ie (Dr) (1995), *al-Yahud Tarikh Ifsad wa inhilal wa Dimar*, Beirut: Dar Ibn Hazm, c.1, h.138

Ayat di atas merupakan amaran keras dari Allah SWT kepada golongan yang kafir dalam kalangan ahli kitab kerana kegganan mereka menerima kebenaran, kufur dengan ayat-ayat Allah dan perbuatan menghalang orang beriman dari jalan Allah dengan sedaya upaya, sedangkan mereka mengetahui bahawa apa yang dibawa oleh Rasul adalah benar daripada Allah SWT.⁶³

Golongan ahli kitab juga tidak akan berhenti daripada menyusahkan orang-orang Islam, mereka akan cuba dari segenap sudut kerana sifat dengki mereka terhadap Islam yang tidak pernah lupakan. Allah menjelaskan perkara ini melalui firmanNya:




Maksudnya :Wahai orang-orang yang beriman janganlah kamu mengambil penyimpan rahsiamu selain dari kalanganmu, mereka itu tidak berhenti untuk membinasakanmu, mereka bercita-cita hendak memberi kemudaran kepadamu. Sesungguhnya telah jelas (perkataan) kebencian dari mulut mereka dan apa yang disembunyikan oleh hati mereka lebih besar (kejahatannya)

(Ali- 'Imran, 3 :118)

c. Sifat kepura-puraan golongan Yahudi

⁶³ Ibn Kathir (2002), *Tafsir al-Qur'an al-'Azim*, al-Kaherah: Dar al-Hadith, j.2, h.93

Allah SWT melarang orang-orang beriman dari mengambil golongan Yahudi sebagai sahabat kerana mereka suka berpura-pura kerana ingin memperdaya orang Islam. Ini berdasarkan firman Allah SWT:



Maksudnya : Janganlah orang-orang mukmin mengambil orang-orang kafir menjadi wali (pemimpin) dengan meninggalkan orang-orang mukmin.
(Ali-‘Imran, 3 :28)

Ibn ‘Abbas meriwayatkan, “Ayat ini diturunkan kepada ‘Ubادah bin al-‘Samit al-Ansari, Dia bersekutu dengan orang Yahudi, ketika Rasulullah SAW keluar menuju Perang Ahzab, ‘Ubādah berkata : Wahai Rasulullah, bersamaku terdapat 500 orang dikalangan Yahudi, Aku melihat mereka keluar bersamaku, maka bolehkah mereka turut serta untuk mengalahkan musuh. Maka Allah menurunkan ayat tersebut.⁶⁴

d. Sifat-sifat dengki golongan Yahudi

Golongan Ahli Kitab tidak akan berhenti daripada menyusahkan orang-orang Islam, mereka akan cuba dari segenap sudut kerana sifat dengki yang bersarang di dalam hati

⁶⁴ Abi al-Hasan ‘Ali bin Ahmad bin Muhammad bin ‘Ali al-Wahidi (2005), *Asbab Nuzul al-Qur'an*, Riyad: Dar al-Miman, c.1, h. 224

mereka terhadap Islam yang tidak pernah lupakan. Allah menjelaskan perkara ini melalui firmanNya:

Firman Allah SWT dalam ayat 75



Maksudnya : Dan diantara Ahli Kitab, ada orang yang jika engkau mempercayainya dengan harta yang banyak, nescaya dikembalikannya kepadamu dan setengah mereka yang jika kamu mempercayainya dengan satu dinar nescaya tidak dibayarkannya kepadamu, kecuali jika kamu selalu berdiri (menuntutnya) Demikian itu sebab mereka berkata: "tidak berdosa kita terhadap orang-orang ummi (yang tidak seagama dengan kita). Dan mereka berkata dusta terhadap Allah, sedangkan mereka mengetahui.

(Ali-'Imran, 3 :75)

Golongan Yahudi merupakan sebahagian dari golongan *kuffar*, justeru mereka tetap memiliki sikap buruk yang perlu diawasi oleh umat Islam, iaitu *hipokrit*, sikap seperti ini amat merbahaya kerana ia boleh memecah belahkan perpaduan umat Islam. Sekiranya mereka tidak sabar sudah tentu akan berlaku pergaduhan serta permusuhan. Allah merakamkan sikap mereka menerusi firmanNya:



Maksudnya : Wahai Kamu, orang yang mengasihi mereka, sedangkan mereka tidak mengasihiMu dan kamu beriman kepada Allah seluruhnya. Apabila mereka menemuimu, mereka berkata: kami telah beriman, tetapi apabila mereka seorang diri, mereka menggigit hujung jarinya, kerana marah kepadamu, Katakanlah (kepada mereka) : Matilah kamu bersama kemarahanmu itu, sesungguhnya Allah Maha Mengetahui apa yang ada di dalam dada. Jika kamu mendapat kebaikan, mereka akan bersedih hati, tetapi apabila kamu ditimpa kejahanan, mereka akan gembira. Dan jika kamu bersabar dan bertaqwah, nescaya tidak mudarat kepadamu tipudaya mereka sedikit pun. Sesungguhnya Allah Mahaa Meliputi apa yang mereka kerjakan.

(Ali-'Imran, 3 :119-120)

Golongan Yahudi melakukan pendustaan dalam setiap lapangan kehidupan. Mereka berdusta kepada Allah SWT, nabi-nabi, orang yang soleh, dan umat yang lain. Apa yang menghairankan ialah mereka menjadikan pendustaan sebagai sebahagian daripada agama, aqidah dan ibadat serta mendakwa ia merupakan salah satu cara mendekatkan diri kepada

tuhan. Mereka berdusta dalam sudut aqidah, politik, ekonomi, sosial, akhlak, bidang ilmu, dan kemanusiaan malah terhadap sesiapa sahaja tanpa mengira kawan ataupun lawan.⁶⁵

Allah SWT mendedahkan pendustaan kaum Yahudi di dalam firmanNya :




Maksudnya: Dan diantara ahli kitab, ada orang yang jika engkau mempercayainya dengan harta yang banyak, nescaya dikembalikannya kepadamu dan setengah mereka yang jika kamu percayainya dengan satu dinar, nescaya tidak dibayarkannya kepadamu, kecuali jika kamu selalu berdiri (menuntutnya). Demikian itu sebab mereka berkata: tidak berdosa kita terhadap orang-orang ummi (yang tidak seagama dengan kita). Dan mereka berkata dusta terhadap Allah, sedangkan mereka mengetahui.

(Ali-'Imran, 3 :75)

Dalam ayat di atas, mereka mengkhianati golongan selain Yahudi yang dikatakan sebagai “Ummi”⁶⁶, Golongan Yahudi turut melakukan pendustaan terhadap Allah SWT

⁶⁵ Salah 'Abd al-Fattah al-Khalidi (Dr)(1998), *al-Syakhsiyah al-Yahudiyyah min Khilal al-Qur'an*, Damsyiq: Dar al-Qalam, c.1, h.196

dengan mengubah dan meminda kandungan Taurat, lalu mengatakan bahawa ia daripada Allah SWT. Firman Allah SWT :




Maksudnya : Dan diantara mereka, benar-benar ada satu golongan yang memutarbelitkan lidahnya dengan (membaca) Kitab, supaya kamu menyangka, bahawa ia dari Kitab, padahal bukanlah ia dari kitab, dan mereka berkata: Ia dari sisi Allah, padahal bukan dari sisi Allah dan mereka berkata dusta terhadap Allah sedang mereka mengetahui.

(Ali-‘Imran, 3 :78)

Menurut Ibn ‘Abbas, mereka ialah golongan Yahudi yang bertemu Ka’ab bin al-Ashraf lalu mengubah kandungan Taurat yang menyebut perihal sifat-sifat Nabi Muhammad SAW. Sehubungan itu terdapat dalam kalangan mereka (Bani Quraizah) yang mengambilnya dan mencampurkannya dengan kandungan Taurat yang lain.⁶⁷ Mereka turut berdusta terhadap Nabi Muhammad SAW ketika mana Baginda menyampaikan dakwah Islam, sebagaimana yang dijelaskan oleh Allah SWT dalam firmanNya:

⁶⁶ Kaum Yahudi menyebut orang Arab sebagai ummi iaitu yang tidak mempunyai kitab. Ini kerana mereka menganggap mereka adalah ahli kitab yang sebenarnya, manakala kitab-kitab yang lain adalah dusta. Lihat Muhammad Qutb (1983), *Op.cit.*, h.353.

⁶⁷ Mahmud bin ‘Umar al-Zamakhshari (t.t), *al-Kasshaf ‘an Haqaiq ghawamid al-Tanzil wa ‘Uyun al-Aqawil fi Wujuh al-Ta’wil*, j.1, h.377



 Maksudnya : Orang-orang yang berkata : Sesungguhnya Allah telah memerintahkan kepada Kami, bahawa kami tidak akan beriman kepada rasul sehingga rasul itu mendatangkan kepada kami korban yang dimakan api.
 (Ali-'Imran, 3 :183)

Menurut Ibn Abbas r.a, ayat ini diturunkan kepada Ka'ab bin al-Ashraf, Malik bin al-Saif, dan Finhas bin 'Azura' dan beberapa kelompok yang lain datang menghadap Rasulullah SAW lalu berkata: "Wahai Muhammad, kamu mendakwa bahawa kamu adalah Rasulullah dan bahawa Allah telah mewahyukan kepada kamu sebuah kitab, padahal Allah menjanjikan kepada kami di dalam kitab Taurat supaya jangan kami beriman kepada seseorang rasul sehingga dia membawa korban yang di makan api, dan api itu mempunyai suara mendesis ketika turun dari langit. Jika kamu dapat mendatangkannya, maka kami akan mambenarkan engkau", kerana itulah diturunkan ayat ini.⁶⁸

Sifat dengki amat ketara di jiwa orang Yahudi, Apabila kaum muslimin mendapat kebaikan, kemajuan dan kejayaan sedikit sahaja dalam bidang apa pun, maka mereka tidak akan rela. Akan tetapi sebaliknya, mereka puas dan lega apabila melihat kaum muslimin ditimpa kemiskinan, kejumudan dan perpecahan.⁶⁹

e. Golongan Yahudi ingkar dengan ayat Allah dan membunuh Nabi Allah.

⁶⁸ Ahmad Mustafa al-Maraghi,(t.t), *Op.cit.*, h.149

⁶⁹ Abd al-Rahman al-Dusari (1994), *Orang-orang Munafik menurut sorotan al-Qur'an*, Ahmad Hamim (terj.) Selangor: Thinkers Library Sdn. Bhd, c.1, h.79

The image consists of a 12x12 grid of icons. Each icon is a black shape on a white background. The icons represent a variety of concepts, including: 1) A bomb and a book. 2) A person with a clock and a bell. 3) A telephone and a checkmark. 4) A star and a pencil. 5) A bomb and a star. 6) A bomb and a book. 7) A bomb and a book. 8) A bomb and a book. 9) A bomb and a book. 10) A bomb and a book. 11) A bomb and a book. 12) A bomb and a book.

Maksudnya: Mereka ditimpakan kehinaan di mana mereka berada, kecuali dengan tali (agama Allah) dan tali perdamaian dari manusia. Dan mereka itu kembali dengan mendapat kemurkaan dari Allah serta ditimpa kemiskinan. Demikian itu kerana mereka kafir dengan ayat-ayat Allah dan membunuh nabi-nabi tanpa kebenaran, demikian itu kerana mereka menderhaka dan melampaui batas.

(Ali-‘Imran, 3 :112)

Dalam ayat yang lain:

Maksudnya : Sesungguhnya orang-orang yang kufur terhadap ayat- ayat Allah, serta membunuh nabi-nabi tanpa kebenaran dan membunuh orang-orang yang menyuruh berlaku adil antara manusia, maka berilah mereka khabar gembira (duka) dengan seksaan yang pedih.

(Ali-‘Imran, 3 :21)


Menurut Ibn Kathir, ayat ini mengandungi penghinaan ke atas golongan Ahli Kitab yang melakukan kemungkaran kerana mendustakan ayat-ayat Allah SWT yang disampaikan oleh rasul-rasul tersebut tanpa sebab, melainkan semata-mata kerana rasul-rasul tersebut menyeru kepada kebenaran. Ini semua berpunca dari sifat takabbur dan kedegilan mereka.⁷⁰ Kata Abu ‘Abbas al-Mubarrad : Nabi-Nabi telah menemui kaum Bani Israil untuk menyeru mereka supaya beriman dengan Allah SWT tetapi mereka telah membunuh nabi-nabi itu. Selepas itu terdapat orang-orang beriman pula yang menyuruh mereka mengikut ajaran Islam, namun mereka tetap membunuhnya, lalu di turunkan ayat tersebut. Abu ‘Ubaidah bin al-Jarrah meriwayatkan bahawa Nabi SAW bersabda: Bani Israil membunuh empat puluh tiga orang nabi dalam satu masa pada awal hari, kemudian membunuh seratus dua belas orang ‘abid (pendeta) Bani Israil. Mereka menyuruh melakukan kebaikan dan melarang kemungkaran, namun mereka semua dibunuh di penghujung hari tersebut.⁷¹ Antara nabi tersebut ialah Hizqiyal, Asy’iya bin Amus, Armiya, Yahya dan Zakariyya. Mereka dibunuh kerana memberi nasihat supaya meninggalkan kejahatan dan melarang daripada perkara mungkar. Perbuatan membunuh nabi merupakan sebesar-besar perbuatan jenayah.⁷²

⁷⁰ Ibn Kathir (2002), *Op.cit.*, h.30

⁷¹ al-Zuhayli (Dr) (2005), *op.cit.*, h.199

⁷² Al-Maydani (1992), *Op.cit.*, h.29-30 lihat juga Muhammad Sayyid Tantawi (Dr)(1987), *Banu Israil Fi al-Qur'an Wa al-Sunnah*, Kaherah: al-Zahra' Li al-I'lam al-'Arabiyy, c.1, h.404-406

Golongan Yahudi turut mendakwa membunuh Nabi Isa a.s dan mereka berbangga dengan perbuatan itu, namun Allah SWT menafikan dengan firmanNya :




Maksudnya : Dan bukanlah mereka membunuhnya dan bukan pula menyalibkannya, akan tetapi orang yang diserupakan dengan dia.

(al-Nisa', 4 :157)

f. Tuduhan liar golongan Yahudi terhadap Allah SWT

Sifat takbur yang sangat melampau golongan Yahudi sehingga mereka menyatakan bahawa mereka lebih kaya dari Allah SWT dan Allah bersifat bakhil, pada masa yang sama mereka mendakwa bahawa mereka adalah para wali Allah.⁷³

Tuduhan liar mereka dijelaskan oleh Allah melalui firmanNya :



⁷³ ‘Abd Allah al-Tal (t.t), *Khatr al-Yahudiyyah al-‘Alamiyyah ‘Ala al-Islam wa al-Masihiyah*, Dar al-Qalam, h.62

Maksudnya : Sesungguhnya Allah telah mendengar perkataan orang-orang yang berkata: Sesungguhnya Allah miskin dan kami kaya, Nanti Kami akan tuliskan perkataan mereka dan perbuatan mereka membunuh nabi-nabi tanpa kebenaran, dan Kami berkata: Rasilah olehmu seksaan yang membakar.

(Ali-'Imran, 3 :181)

g. Menyembunyikan kandungan Injil dan mengubahnya

Allah SWT telah memeterai perjanjian dengan golongan Nasrani supaya mereka menerangkan kepada manusia kebenaran isi kandungan kitab, kebangkitan Nabi Muhammad SAW dan tidak menyembunyikan sesuatu pun daripadanya. Akan tetapi mereka telah memungkiri perjanjian tersebut kerana semata-mata mengejar habuan dunia yang sementara.⁷⁴ Perkara ini dijelaskan oleh Allah melalui firmanNya:




Maksudnya : Dan (ingatlah) ketika Allah mengambil janji daripada ahli-ahli kitab (iaitu) : Hendaklah kamu terangkan Kitab kepada manusia dan jangan kamu sembunyikan, lalu mereka lemparkan perjanjian itu ke belakang punggungnya (tidak ditepati) dan mereka menjual perjanjian itu dengan harga yang sedikit, maka amat jahat apa yang mereka jual itu.

(Ali-'Imran, 3 :187)

⁷⁴ Muhammad 'Abd al-Salam Muhammad (Dr)(1984), *Dirasat Fi al-Qur'an al-Karim Min al-Tafsir al-Mawdu'i*, Kuwait: Maktabah al-Fallah, c.1, h.266

2.4 PEJUANG ISLAM YANG INGKAR ARAHAN BAGINDA DALAM PERANG UHUD

Firman Allah SWT dalam ayat 152



Maksudnya: Sesungguhnya Allah telah menepati janjinya kepadamu, ketika kamu membunuh orang-orang kafir (di Perang Uhud) dengan izinNya, sehingga apabila kamu berputus asa (kalah) dan berbantah-bantah dalam urusanmu dan menderhakai (perintah nabi) setelah Allah memperlihatkan (pertolongan) yang kamu sukai (maka Allah tidak menolongmu). Diantara kamu ada orang yang menghendaki dunia dan ada pula orang yang menghendaki akhirat. Kemudian Allah memalingkan kami dari mereka (menguatkan orang kafir) kerana Dia hendak menguji kamu. Sesungguhnya Allah telah memaafkan dosamu, dan Allah mempunyai kurnia untuk orang-orang beriman.

(Ali-'Imran, 3 :152)

Muhammad bin Ka'ab al-Qurazi berkata : “ Ketika Rasulullah SAW pulang ke Madinah, mereka telah ditimpa musibah sebagaimana yang berlaku dalam Perang Uhud,

Para Sahabat bertanya : Dari manakah datangnya musibah ini? sedangkan Allah telah menjanjikan kemenangan kepada kita? Maka turunlah ayat di atas.⁷⁵

Perang Uhud berlaku pada hari sabtu 15 Syawal tahun ketiga hijrah. Puncanya adalah kerana orang Arab Quraisy hendak menuntut bela di atas kekalahan mereka didalam peperangan Badar. Mereka sentiasa membuat persiapan untuk menyerang Rasulullah SAW di Madinah, Apabila sampai masanya, keluarlah mereka bersama 3000 orang tentera perang. Manakala di pihak orang Islam Rasulullah SAW keluar bersama tentera Islam seramai lebih kurang 1000 orang. Di antara mereka hanya 100 orang tentera berbaju besi dengan dua ekor kuda sahaja. Apabila tentera-tentera Islam bersiap sedia untuk bertolak, Rasulullah melihat sekumpulan orang Yahudi bersama Abdullah bin Ubay yang merupakan ketua munafiqin keluar bersama 300 orang pengikutnya, maka tinggallah bilangan tentera Islam 700 orang.

Rasulullah SAW bergerak hingga sampai ke Padang Uhud, di sana mereka membelakangkan Bukit Uhud dan menghadap muka mereka kearah musyrikin. Rasulullah SAW memilih 50 orang tentera pemanah yang diketuai ‘Abd Allah bin Jabir al-Ansari untuk mengawal di bahagian belakang barisan tentera Islam supaya tidak di serang daripada sebelah belakang. Baginda berpesan kepada pemanah-pemanah itu dengan sabdanya : “jagalah kamu di sebelah belakang kami, agar musuh tidak dapat menyerang kami daripada sebelah belakang. Serangilah musuh-musuh kamu dengan anak-anak panah, kerana tabiat kuda itu tidak boleh bertahan dengan anak panah. Sesungguhnya kita dalam keadaan

⁷⁵ al-Wahidi (2005), *Op.cit.*, c.1, h. 255

menang selagi kamu semua tetap pada tempat-tempat kamu. Ya Allah! Sesungguhnya aku bersaksi kepada engkau tentang mereka”.⁷⁶

Beginilah gambaran awal sebelum berlakunya Perang Uhud, Rasulullah SAW dengan penuh semangat memberi keyakinan dan mendoakan bahawa orang-orang Islam akan menang dalam peperangan ini.

Pada peringkat awal peperangan, Allah SWT memberi kemenangan kepada kaum muslimin, ramai di antara musuh-musuhnya yang terbunuh dan yang lainnya melarikan diri dari medan pertempuran. Oleh sebab itu, berebut-rebutlah kaum muslimin mengambil harta-harta rampasan yang ditinggalkan oleh kaum musyrikin. Perbuatan ini dilihat oleh para pemanah yang ditempatkan di sebelah belakang mereka, lalu mereka berkata : “Apa lagi yang kita nak buat, sesungguhnya Allah SWT telah pun memberi kemenangan kepada Rasulnya. Mereka pun mula berfikir untuk meninggalkan tempat yang ditetapkan oleh Rasulullah SAW supaya dapat sama-sama mengambil harta rampasan tersebut. Apabila melihat keadaan demikian, maka Abd Allah bin Jubair selaku ketua pasukan memperingatkan pesanan Rasulullah SAW, lantas mereka menjawab bahawa peperangan sudah berakhir, tidak perlu lagi mengawal di tempat ini.

Pada masa itu, Khalid bin al-Walid sebagai panglima pasukan musyrikin menyedari bahagian belakang tentera muslimin telah kosong daripada pemanah-pemanah, maka dengan secepat kilat beliau menyerang dari pihak belakang. Tentera musyrikin menyerang habis-habisan, sehingga Rasulullah SAW turut mengalami kecederaan, baginda terkena

⁷⁶ Mustafa al-Siba’ie (Dr)(1980), *al-Sirah al-Nabawiyah Durus Wa ‘Ibr*, Damsyiq: al-Maktab al-Islami, c.5, h. 87-88

lemparan batu dan jatuh pengsan. Akibatnya, muka, lutut dan bibir bawah baginda luka-luka. Begitu juga dengan tudung kepala pecah, manakala mata rantai baju besinya masuk ke dalam pipi baginda Rasulullah SAW, tentera Islam yang terkorban seramai 70 orang manakala di pihak musyrikin seramai 23 orang.⁷⁷

Kisah ini menggambarkan bahawa terdapat beberapa orang sahabat yang bertugas sebagai pasukan pemanah telah mengingkari arahan Rasullullah SAW agar tidak meninggalkan tempat mereka sehingga mendapat arahan berikutnya, disebabkan keingkaran tersebut, tentera muslimin mengalami kekalahan dalam Perang Uhud manakala Rasulullah SAW sendiri mengalami kecederaan.

2.5 KESIMPULAN


Menurut surah Ali-'Imran, Allah SWT mendedahkan beberapa ciri golongan yang ingkar, iaitu golongan kafir dan Ahli Kitab. Mereka telah mendustai kebenaran kitab suci al-Qur'an, juga kitab Injil yang diturunkan kepada mereka, dengan sikap angkuh mereka turut mengubah isi kandungan Injil mengikut hawa nafsu mereka. Sifat-sifat *mazmumah* yang telah sebati dalam diri mereka menyebabkan mereka sanggup membunuh para Nabi yang ditugaskan untuk membawa mereka ke jalan yang benar. Sikap kepura-puraan mereka menyebabkan berlaku perpecahan dikalangan umat Islam. Allah SWT turut memaparkan sikap pejuang Islam dalam Perang Uhud yang tamakkan harta rampasan perang, sebahagian mereka telah mengingkari arahan Baginda Rasulullah SAW agar bertahan di Bukit Uhud, yang akhirnya menyebabkan mereka tewas sehingga Rasulullah sendiri mengalami kecederaan.

⁷⁷ *Ibid.*, h.89

BAB TIGA : *AL-JAZA' DALAM SURAH ALI-'IMRAN*

3.1 PENGENALAN

Pada bab ini, penulis menfokuskan kajian kepada balasan buruk kerana ia mempunyai kesinambungan dari bab 2 yang bertajuk, kaum yang ingkar menurut surah Ali-'Imran. Setiap perbuatan jahat atau keingkaran pasti akan dibalas oleh Allah SWT. Hukuman Allah bersifat adil. Tidak akan berlaku ketidakadilan atau pilih kasih, perbuatan yang baik akan dibalas dengan kebaikan manakala perbuatan yang jahat dibalas dengan kejahatan, balasan Allah menimpa semua orang sama ada Islam atau kafir, ini bertepatan dengan firman Allah SWT:



Maksudnya : Barangsiapa mengerjakan kejahatan, nescaya akan dibalas dengan kejahatan, sedang dia tidak memperolehi wali dan tidak pula penolong selain Allah.

(al-Nisa', 4 :123)

Menurut Jumhur, lafaz ayat di atas berlaku umum, sama ada orang kafir atau mukmin, mereka akan dibalas dengan perbuatannya yang buruk.⁷⁸

⁷⁸ Al-Qurtubi (2003), *Op.cit*, h.1583

Firman Allah SWT dalam surah al-Mukmin:

Maksudnya : Barangsiapa membuat kejahanan, maka tiada dibalas melainkan dengan seumpamanya....

(al-Mukmin, 40 :40)

Kejahatan dibalas dengan kejahatan merupakan sunnatullah dalam perbuatan buruk, dan ia pasti berlaku, ini kerana ia merupakan satu kezaliman dan perbuatan zalim amat dilarang walaupun terhadap orang yang melakukan kezaliman.

3.2 HARTA YANG DIBELANJAKAN AHLI KITAB SIA-SIA

Firman Allah SWT :


Maksudnya : Bandingan harta yang mereka nafkahkan ketika hidup di dunia adalah seperti bandingan angin yang mengandungi hawa yang sangat dingin yang menimpa tanaman satu kaum yang menzalimi dirinya sendiri, lalu angin itu membinasakannya. Allah tidak menzalimi mereka, tetapi mereka menzalimi diri mereka sendiri.

(Ali-Imran, 3 :117)

Perumpamaan dalam ayat tersebut menggambarkan keadaan harta yang dibelanjakan oleh orang kafir tetapi dalam masa yang sama mereka kufur dengan Allah dan mendustai apa yang disampaikan oleh Nabi Muhammad SAW. Maka ini semua tidak akan memberi manfaat sedikit pun kepada mereka umpama angin sejuk yang bertiup kencang lalu memusnahkan segala hasil tanaman mereka.⁷⁹

3.3 KAUM YAHUDI DITIMPA KEHINAAN

Sikap buruk Yahudi amat keterlaluan, mereka mengingkari ayat-ayat Allah SWT dan membunuh para nabi tanpa sebab,⁸⁰ mereka turut melakukan jenayah dengan membunuh golongan yang menyeru ke arah kebenaran,⁸¹ menyebabkan mereka ditimpa kehinaan, ini dijelaskan oleh Allah SWT:



⁷⁹ Muhammad bin Jarir al-Tabari (1997), *Jami' al-Bayan 'an Ta'wil ay al-Qur'an*, Damsyiq: Dar al-Qalam, c.1, j.2, h.367

⁸⁰ Rujuk bab 2, 2.3.7 Golongan Yahudi ingkar dengan ayat Allah dan membunuh Nabi Allah.

⁸¹ Muhammad Sayyid Tantawi (Dr)(1987), *Op.cit.*,h.406

Maksudnya : Adapun orang-orang kafir, maka aku akan seksa mereka dengan seksaan yang keras di dunia dan akhirat dan tiada bagi mereka pembantu-pembantu.

(Ali-‘Imran, 3 :56)

Golongan Yahudi yang kufur dengan Nabi ‘Isa a.s. dan melakukan pendustaan terhadapnya maka balasan bagi mereka di dunia berbentuk kehinaan, pembunuhan, penawanian dan penindasan umat. Manakala azab di akhirat nanti api neraka jahannam yang mana tidak ada yang akan menolong dan membantu mereka di sana.⁸²

3.4 AHLI KITAB TERTIPU DENGAN PENIPUAN MEREKA

Mereka tidak menyedari bahawa dengan penipuan yang mereka lakukan terhadap umat Islam sebenarnya mereka telah menipu diri mereka sendiri. Mereka juga bersikap acuh tak acuh bahawa iman itu cukup dengan ucapan sahaja, tanpa pengertian yang lebih jauh. Allah telah menafikan keimanan mereka yang berkata, “Kami telah beriman kepada Allah dan hari kemudian”. Ini disebabkan tidak adanya makna keimanan yang sebenarnya dalam hati dan perbuatan mereka. Kerana pada dasarnya pengakuan iman pada lisan harus diikuti oleh perbuatan bahkan ikhlas sampai ke hati.⁸³

Sikap golongan Yahudi yang membuat penipuan terhadap para nabi dan umat Islam yang lainnya, menggambarkan sebenarnya mereka menipu diri mereka sendiri. Mereka mengharapkan para nabi akan terpedaya dengan tipuhelah mereka dan umat Islam akan terpengaruh dengan pendustaan mereka, akan tetapi pada akhirnya harapan mereka hampa kerana tipudaya itu berbalik kepada diri mereka dan Allah SWT membalaik sikap

⁸² Wahbah al-Zuhaili (Dr) (2005), *Op.cit.*, c.8, j.2,h. 263

⁸³ Abd al-Rahman al-Dusari (1994), *Op.cit.*, Ahmad Hamim (terj.), c.1, h.5

buruk mereka dengan mendapat kutukan dari Allah, malaikat dan umat Islam seterusnya menerima azab yang pedih dari Allah di akhirat nanti.

3.5 ALLAH MENANGGUHKAN SIKSAAN KEPADA AHLI KITAB SEBAGAI *ISTIDRAJ*

Ini merupakan satu penghinaan dan penipuan dari Allah SWT. Allah menangguhkan seksaan ke atas mereka dalam keduhrakaan, ini supaya mereka menambahkan kejahatan atau dengan menambah umur, agar mereka terus menerus menambah kejahatan. Sesungguhnya kejahatan dapat menarik kepada kejahatan yang lain, sehingga akan menjauhkan pelakunya dari petunjuk.⁸⁴

3.5.1 MAKSUD *ISTIDRAJ*

Maksud *istidraj* secara etimologi ialah mendekatkan kepadanya sedikit demi sedikit maka ia pun mendekat⁸⁵ perkataan (سُنْدَرْجُهُمْ) *Sanadrijuhum* bermaksud kami mengambil setingkat demi setingkat iaitu kami mendekatkan mereka pada sesuatu sedikit demi sedikit seperti orang yang menaiki tangga dalam keadaan naik dan turun.⁸⁶ Dalam al-Mu'jam al-*Wasit* ayat *Istadrajahullahu al 'abd* (استدراجه الله العبد) iaitu menangguhkan dan tidak bertindak secara langsung.⁸⁷ Syeikh Abdullah al-Talidi menjelaskan maksud *Istidraj* iaitu

⁸⁴ Ibid., h.17

⁸⁵ Ibn Manzur (1999), *Lisan al-'Arab*, Beirut: Dar Ihya' al-Turath al-'Arabiyy, j.4, h.320

⁸⁶ Al-Raghib al-Asfahani (2006), *Mu'jam Mufradat Alfaz al-Qur'an*, Beirut: Dar al-Fikr, h.128


⁸⁷ Ibrahim Mustafa et.al (1972), *al-Mu'jam al-*Wasit**, Istanbul: al-Maktabah al-Islamiyyah, j.1, h.77

siksa dari Allah secara perlahan-lahan atau secara halus. Orang yang diberi *istidraj* seolah-olah mendapat nikmat dan kasih sayang daripada Allah tetapi sebenarnya nikmat itu bertujuan membinasakannya.⁸⁸

Biasanya orang yang mendapat *istidraj* ini menyangka bahawa segala nikmat yang diperolehi membuktikan mereka hampir kepada Allah dan Allah menyayangi mereka. Pemberian Allah tersebut menyebabkan mereka semakin jauh dari Allah dan semakin banyak dosa yang dilakukan.⁸⁹

3.5.2 AYAT *ISTIDRAJ* DALAM SURAH ALI-‘IMRAN

Firman Allah SWT dalam surah Ali-‘Imran :



Maksudnya : “ Dan janganlah sekali-kali orang kafir itu menyangka bahawa pemberian tangguh Kami kepada mereka adalah baik bagi mereka. Sesungguhnya Kami memberi tangguh kepada mereka hanyalah supaya bertambah-tambah dosa mereka dan bagi mereka azab yang menghinakan”

(Ali-‘Imran, 3 :178)

⁸⁸ Sheikh ‘Abdullah al-Talidi (2001), *Sebab-sebab kehancuran umat dan bala yang ditimpakan kepada orang-orang jahat*, Shahrin Nasution (Drs.) (terj.) c.1, Kuala Lumpur : al-Hidayah Publishers, h.33.

⁸⁹ *Ibid.*, h.35

Ayat di atas memperlihatkan musuh-musuh Allah dan musuh kepada kebenaran dibiarkan tanpa menerima azab dari Allah, mereka terus menikmati kekuatan, kekuasaan, kekayaan dan pangkat. Ini menyebabkan orang-orang yang lemah imannya membuat sangkaan buruk terhadap Allah seperti sangkaan orang jahiliah. Mereka menyangka Allah reda dengan kebatilan, kejahatan, kekufuran dan kezaliman. Sangkaan ini semua tidak benar, Allah SWT memberi amaran kepada orang kafir agar tidak membuat sangkaan sedemikian. Allah memberi kenikmatan di dunia untuk mereka menikmati dan berseronok dengannya merupakan ujian dari Allah dan ia adalah tipudaya Allah yang sangat halus. Itulah *istidraj* yang amat jauh.⁹⁰

Daripada ‘Uqbah bin ‘Amir Rasulullah SAW bersabda :⁹¹

إِذَا رَأَيْتَ اللَّهَ يُعْطِي الْعَبْدَ مَا يُحِبُّ وَهُوَ مُقِيمٌ عَلَى مَعَاصِيهِ، فَإِنَّمَا ذَلِكَ لَهُ مِنْهُ اسْتِدْرَاجٌ

Maksudnya : “ kalau engkau melihat Allah SWT memberikan kesenangan dunia kepada orang yang mengerjakan maksiat, maka yakinlah bahawa itu adalah *istidraj* ”.

Umat Islam perlu berhati-hati dalam meneruskan kelangsungan hidup di zaman *fahsyah*’ dan *mungkar*. Nikmat kehidupan yang dikecapi pada hari ini tidak seharusnya membuatkan kita lalai dari melaksanakan perintah Allah SWT. Allah SWT dengan sifat Pemurah dan PenyayangNya tidak putus-putus mengurniakan segala macam nikmat kepada hamba-hambanya. Ini kerana khazanah Allah tidak akan terusik walaupun sebesar zarah di sebalik kurniaan tersebut. Malahan manusia hendaklah berhati-hati agar tidak tergolong di dalam mereka yang semakin hari semakin jauh dengan Allah.

⁹⁰ Sayyid Qutb (1982), *Op.cit.*, c.10, j.1, h. 524

⁹¹ Abi al-Qasim Sulayman bin Ahmad al-Tabarani (1980), *al-Mu’jam al-Kabir*, (‘Uqbah bin Muslim ‘An ‘Uqbah bin ‘Amir), no.913, j.17, Dar al-Ihya’ al-Turath al-‘Arabiyy, h.330-331

3.6 KEKALAHAN DALAM PERANG UHUD

Berikut tindakan beberapa orang sahabat yang tidak patuh kepada arahan Rasulullah SAW semasa berlakunya Perang Uhud, maka Allah menguji mereka dengan kekalahan. Akibatnya, para sahabat merasa dukacita kerana mereka yakin dengan pertolongan Allah SWT seperti Perang Badar. Lebih menyedihkan apabila Rasulullah SAW sendiri mengalami kecederaan dan seramai 70 orang tentera Islam terkorban.⁹²

Perasaan dukacita dan kekalahan yang dialami oleh sahabat dan Rasulullah SAW, merupakan *jaza'* Allah ke atas orang-orang beriman.

3.7 KESIMPULAN

Allah SWT membalas perbuatan golongan yang ingkar dengan berbagai cara, di dunia mereka akan ditimpa kehinaan serta dibiarkan berterusan di dalam perbuatan mungkar. Allah SWT sengaja membiarkan mereka hidup di dalam kesenangan dan kemewahan yang melalaikan sehingga sampai satu masa yang ditetapkan,maka Allah akan membalas perbuatan mereka dengan azab sengsara. Di akhirat nanti segala kebaikan yang dilakukan seperti membelanjakan harta akan dipersiakan, dan mereka tidak akan mendapat

⁹² Rujuk bab dua, 2.5 Para Sahabat yang ingkar perintaah Rasulullah SAW dalam Perang Uhud, h.15-18

apa-apa ganjaran. Semua ini adalah balasan terhadap penipuan yang mereka lakukan semasa di dunia, hakikatnya penipuan itu berbalik semula kepada mereka yang ingkar. Manakala tentera Islam yang berjuang di dalam Perang Uhud turut menerima balasan dari Allah SWT iaitu tewas dalam Perang tersebut, ini kerana sebahagian dari mereka ingkar terhadap arahan baginda Rasulullah SAW, Walaubagaimanapun ini merupakan ujian terhadap orang beriman agar mereka sentiasa muhasabah diri dan tahu membezakan antara yang hak dan batil.

BAB EMPAT:

PERKAITAN AL-JAZA' DENGAN PERILAKU KAUM YANG INGKAR

4.1 PENGENALAN

Allah SWT membinasakan manusia kerana dosa dan maksiat yang dilakukan. *Jaza'* Allah akan menimpa golongan yang ingkar kerana perbuatan mereka yang sepatutnya menerima pembalasan dari Allah SWT. Hukum Sunnatullah membenarkan setiap orang yang melakukan kemungkaran, dosa dan kezaliman perlu dibalas setimpal dengan perlakuannya. Allah SWT tidak pernah menzalimi hamba-hambanya, akan tetapi sikap buruk mereka sendiri menjadi penyebab mereka menerima balasan tersebut.

Firman Allah SWT :



Maksudnya: Dan apa-apa musibah (malapetaka) yang menimpa kamu, maka disebabkan usaha tanganmu sendiri dan dimaafkan Allah kebanyakannya.

(al-Syura, 42 :30)

Walaubagaimanapun sifat Pemurah Allah mengatas segala-segalanya, kerana jika semua kezaliman yang dilakukan oleh manusia akan diberi balasan sudah tentu tidak akan wujud manusia di alam ini kerana banyaknya dosa yang dilakukan manusia.

4.2 KEBINASAAN SESUATU UMAT KERANA KEZALIMAN

Biasanya manusia akan melakukan kezaliman kerana beberapa faktor antaranya apabila ia memiliki banyak harta dan kekuasaan dalam pemerintahan. Apabila seseorang memiliki banyak harta maka ia akan bermewah-mewah dalam kehidupan dan akhirnya akan menjadi kufur nikmat, manakala seseorang yang mempunyai kuasa pemerintahan pula akan menggunakan kedudukannya untuk menindas dan menzalimi orang bawahannya. Buktinya, al-Qur'an banyak menceritakan kisah Fir'aun yang berakhir dengan kematian yang hina. Allah SWT telah melenyapkan Fir'aun dan pengikutnya yang telah bertindak zalim terhadap rakyatnya. Kemuncak kezalimannya apabila ia membuat pengakuan dirinya Tuhan serta membunuh anak-anak lelaki kerana khawatir akan mempengaruhi kuasa pemerintahannya. Firman Allah SWT :



Maksudnya : Kemudian dihimpunkan (rakyatnya) lalu ia berseru (23)
Kemudian ia berkata : "Akulah tuhanmu yang maha tinggi".

(al-Nazi'aat, 79 :23-24)

Dalam ayat lain:

Maksudnya : Adakah sampai kepadamu berita Musa? Ketika dia dipanggil oleh Tuhananya di Lembah yang suci Tuwa (di Thur Sina). (Firman Allah): Pergilah engkau kepada Fir'aun, sesungguhnya dia amat durhaka.

(al-Nazi'aat, 79 :15-17)

Menurut Imam al-Razi, maksud ﴿فَإِنَّمَا تَكَبَّرُ أَهْلُ الْأَرْضِ إِذْ
يُنذَّرُونَ بِمَا فِي أَنفُسِهِمْ فَيَقُولُونَ إِنَّا مُحْكَمُونَ﴾, sebahagian mufassir berkata, ia bermaksud Fir'aun takabbur kepada Allah dan mengkufuriNya, dan sebahagian lagi berkata, sesungguhnya Fir'aun takabbur kepada Bani Israil. Menurut Imam al-Razi yang lebih utama ialah kedua-duanya boleh dijadikan tafsirannya. Jadi Fir'aun durhaka kepada Allah dengan mengkufuriNya dan durhaka kepada makhluk dengan menyombong diri kepada mereka dan memperhambakan mereka.⁹³


Firman Allah lagi dalam surah al-Qasas:

⁹³ Fakhr al-Din Muhammad Ibn Umar Ibn al-Husain Ibn al-Hasan Ibn ‘Aliy al-Tamimi al-Bakri al-Razi al-Syafi’i (2000), *al-Tafsir al-Kabir Aw Mafatih al-Ghaib*, Beirut: Dar al-Kutub al-‘Ilmiyyah, i.16, c.1, h.37.

Maksudnya : Sesungguhnya Fir'aun amat sombang di muka bumi dan menjadikan penduduknya berpecah belah serta memperhambakan segolongan diantara mereka, dia menyembelih anak-anak lelaki mereka dan membiarkan hidup anak-anak perempuan mereka, sesungguhnya dia termasuk orang-orang yang membuat kerosakan.

(al-Qasas, 28 : 4)

Allah SWT telah membalas kezaliman Fir'aun dengan menurunkan beberapa malapetaka agar mereka merasai seksaan di dunia ini sebelum menanggung seksaan abadi di akhirat kelak. Malapetaka yang dihadapi adalah kemarau sehingga tumbuhan semuanya tidak menjadi.⁹⁴ Kisah ini diterangkan di dalam al-Qur'an:



Maksudnya : Dan sesungguhnya Kami telah seksa keluarga Fir'aun dengan musim kemarau dan kekurangan buah-buahan, mudah-mudahan mereka mendapat peringatan

(al-A'raf, 7 :130)


Peristiwa kehancuran dan kebinasaan kaum terdahulu diceritakan oleh Allah SWT melalui kitab suci al-Qur'an sebagai pengajaran kepada semua golongan manusia, akan tetapi manusia tidak mengambil *iktibar* darinya. Mereka mengakui adanya Allah, mempercayai akan kerasulan Nabi Muhammad SAW tetapi dalam masa yang sama mengingkari ajaran yang dibawa oleh baginda. Apabila manusia meninggalkan ajaran baginda serta menjauhi sunnahnya, mereka seolah-olah menempah kesusahan dan kemusnahan hidup serta menzalimi diri sendiri dengan mendedahkan kehidupan mereka kepada maksiat, dosa, kezaliman dan azab Allah SWT.

⁹⁴ Harun Yahya (2007), *Kaum-kaum yang pupus*, Rozalli Hashim (terj.), Kuala Lumpur : Saba Islamic Media, c.1, h.104

4.3 KERUNTUHAN AKHLAK PUNCA KEHANCURAN SESUATU KAUM

Hukama' menyebut “ satu-satu umat akan jatuh apabila runtuh akhlaknya”. Kebangkitan atau keruntuhan sesuatu bangsa atau tamadun bergantung kepada akhlaknya. Sejarah kejatuhan tamadun Rom dan Parsi disebabkan oleh penyakit sosial yang merebak dan menjadi wabak yang sukar dibendung dalam kalangan atasan dan rakyat bawahannya. Tamadun Masyarakat Pompeii abad ke 8 SM, musnah tiga kurun kemudiannya kerana masyarakat tersebut mengetepikan nilai-nilai moral. Keruntuhan tamadun Islam berpunca dari kelemahan pegangan aqidah, keruntuhan akhlak dan kejihilan. Kisah-kisah sejarah dan tamadun manusia yang disampaikan melalui al-Qur'an seperti kisah Kaum Lut, Thamud, Nabi Ibrahim, Bani Israel dan lain-lain membuktikan hakikat ini.⁹⁵

Akhlik adalah penanda aras yang menentukan sama ada kita mendapat rahmat atau sebaliknya, Al-Qur'an menjelaskan bahawa Allah SWT mengutuskan Nabi Muhammad SAW untuk membawa rahmat ke seluruh alam, Firman Allah SWT :




Maksudnya : Dan tidaklah Kami utuskan kamu (Muhammad) melainkan untuk memberi rahmat ke seluruh alam.

(al-Anbiya', 21 : 107)

⁹⁵ Majalah Solusi Isu no. 28 2011, *Akhlik Runtuh Tamadun Runtuh*, Pahrol Muhamad Juoi, h.20-21, lihat juga Mahayudin Hj Yahaya (2004), *Tamadun Islam*, Selangor: Fajar Bakti Sdn Bhd, c.5, h.xxiii

Rasulullah SAW merupakan Rasul terakhir yang diutuskan oleh Allah SWT sebagai penyempurna kepada sekalian manusia di alam ini. Sesiapa yang mengingkari kerasulan Nabi Muhammad SAW, menunjukkan sifat degil dan keras hati. Mengingkari Nabi Muhammad juga akan menempah kehinaan dalam hidup. Akan tetapi inilah yang selalu dipertikai oleh golongan ahli kitab yang terkenal dengan sifat sompong dan takbur. Mereka selalu memandang hina kepada orang-orang yang beriman. Allah menyatakan perkara ini di dalam firmanNya :



Maksudnya : Dihiasi kehidupan dunia bagi orang-orang yang kafir dan mereka menghina orang-orang yang beriman.

(al-Baqarah, 2 : 212)

Ayat di atas ditujukan kepada golongan kafir Quraisy kerana mereka berbangga dengan kedudukan dan kekayaan di dunia ini. Dalam masa yang sama mereka memandang rendah dan menghina pengikut Nabi Muhammad SAW yang lebih mementingkan akhirat dan hidup dalam kemiskinan seperti Bilal, Suhaib dan Ibn Mas'ud dan lain-lain.⁹⁶

4.4 JAZA' ORANG ZALIM AKAN DI BALAS DI DUNIA

⁹⁶ al-Qurtubi (1999), *Op.cit.*, j.3, h.24

Biasanya orang yang melakukan kezaliman terhadap orang lain seperti perbuatan mencuri, merompak, membunuh dan seumpamanya, Allah tidak akan membiarkan kezaliman itu berlalu begitu sahaja. Perbuatan seperti ini akan mendapat balasan Allah semasa di dunia lagi.

Satu perkara yang perlu diingat bahawa doa orang yang dizalimi mustajab, orang seperti ini sudah tentu akan berdoa supaya Allah SWT menurunkan bala kepada orang yang menzaliminya, dan doa orang yang dizalimi akan di dengari oleh Allah SWT. Dalam kitab Sahih, hadis yang diriwayatkan oleh Bukhari dari Ibn ‘Abbas , bahawa Nabi SAW bersabda kepada Mu’az bin Jabal ketika mengutusnya ke Yaman :⁹⁷

اتق دعوة المظلوم فانها ليس بينها وبين الله حجاب


Maksudnya : *Takutilah doa orang yang dizalimi kerana tidak ada hijab diantara doanya dengan Allah.*

Hadis ini memberi peringatan agar kita menjauhi sebarang bentuk kezaliman kerana ditakuti doa daripada orang yang dizalimi. Oleh kerana tiada pendinding di antara doa orang yang dizalimi dan Allah, jika dikehendaki Allah maka balasan ke atas orang zalim akan berlaku ketika di dunia lagi.

4.5 AGAMA SELAIN ISLAM AKAN MEMBAWA KEHANCURAN

⁹⁷ Imam Abi ‘Abd Allah Muhammad Ismail al-Bukhari (2006), *Saheh al-Bukhari*, Bab al-Itqa’ wa al-hazr Min Da’wat al-Mazlum, no. 9, j.1, c.2, Mansurah: Dar Ibn Rajab, h.496


Kebenaran, kebahagiaan dan keharmonian hidup hanya terdapat di dalam Islam. Oleh itu sesiapa yang memilih selain Islam sebenarnya ia berada di jalan yang salah, menempah kebatilan dan kesengsaraan dalam hidup, ini bertepatan dengan firman Allah SWT :




Maksudnya : Sesiapa yang memilih agama lain selain Islam , maka tidak akan diterima daripadanya dan ia pada hari akhirat kelak terdiri daripada orang-orang yang rugi.

(Ali-‘Imran, 3 :85)

Kebahagiaan dan kesengsaraan hidup adalah pilihan manusia. Allah mengurniakan akal bagi membezakan antara yang haq dan batil. Kitab suci al-Qur'an dan kitab-kitab sebelumnya diturunkan sebagai pedoman kearah keharmonian hidup. Sesiapa yang membuat pilihan yang tepat dengan patuh dan tunduk kepada ajaran yang disampaikan oleh rasul maka ia akan menempuh jalan yang selamat di dunia dan akhirat, sebaliknya sesiapa yang tersasar dari landasan hidup yang hak maka jalan yang dilaluinya adalah sukar. Allah SWT menggambarkan keadaan golongan ahli kitab yang tidak mempunyai pegangan hidup yang kukuh serta saling menyalahkan orang lain melalui firmanNya





Maksudnya : Dan berkata orang-orang Yahudi, Orang-orang Nasrani itu bukanlah atas satu (kebenaran). Dan berkata pula orang-orang Nasrani: Orang-orang Yahudi bukanlah atas satu (kebenaran). Sedangkan mereka itu sama-sama membaca kitab. Demikian pula berkata orang-orang yang tidak berpengetahuan seperti perkataan mereka. Maka Allah akan menghukum diantara mereka pada hari kiamat tentang apa-apa yang mereka perselisihkan.


(al-Baqarah, 2 :113)

Menurut Ibn ‘Abbas, ketika ahli Najran dalam kalangan Nasrani datang bertemu Rasulullah SAW, golongan Yahudi pun datang kepada mereka, lalu mereka berbalah. Rafi’ Ibn Khuzaimah dalam kalangan Yahudi berkata kepada golongan Nasrani: “Kamu tidak mempunyai satu pegangan yang benar dan kamu kufur kepada Nabi Isa serta kitab Injil,” mendengar kata-kata tersebut, salah seorang dalam kalangan puak Najran berkata kepada golongan Yahudi: “ Kamu tidak mempunyai satu pegangan yang benar kerana kamu mengingkari kenabian Musa dan kufur kepada Taurat.” Peritiwa ini menyebabkan Allah menurunkan ayat di atas.⁹⁸

4.6 KEBINASAAN KE ATAS ORANG YANG BERPALING DARI HIDAYAT ALLAH SWT

⁹⁸ ‘Abd al-Rahman Abi Bakr al-Suyuti (t.t), *Lubab al- Nuqul fi Asbab al-Nuzul*, Beirut : Dar al-Kutub al-‘Ilmiyyah, h.15

Islam merupakan satu-satunya agama yang benar dan diredayai oleh Allah SWT. Sesiapa yang memilih selainnya, maka ia tidak akan mendapat pertolongan dan lindungan Allah. Ini berdasarkan firman Allah SWT :




Maksudnya.. Sesungguhnya agama di sisi Allah ialah Islam. Tiadalah perselisihan golongan Ahli Kitab, melainkan setelah datang ilmu pengetahuan kepada mereka, kerana dengki mendengki sesamanya. Barangsiapa yang kafir akan ayat-ayat Allah, maka sesungguhnya Allah akan segerakan hisabnya.

(Ali-‘Imran, 3 :19)

Ini adalah suatu perkhabaran bahawa satu-satunya agama yang diterima oleh Allah SWT adalah agama Islam. Menurut al-Tabari, ayat di atas membawa maksud ketaatan yang sebenar-benarnya ialah ketaatan kepada Allah, iqrar dengan lisan serta tunduk dengan penuh keredaan dan menuruti segala perintah dan meninggalkan sebarang bentuk penentangan. Ia merujuk kepada ketundukan yang menyeluruh kepada Allah SWT dalam ibadat dan ketuhanan. Tidak berlagak sombong serta tidak mensyirikkanNya dengan sesuatu.⁹⁹

⁹⁹ Muhammad bin Jarir al-Tobari (1997), *Op.cit.*, h.233




Maksudnya : Orang Yahudi dan Nasrani tidak sekali-kali akan bersetuju atau suka kepadamu sehingga engkau menurut agama mereka. Katakanlah (wahai Muhammad), Sesungguhnya petunjuk Allah itulah petunjuk yang benar". Sekiranya engkau menurut kehendak nafsu mereka sesudah pengetahuan tentang kebenaran sampai pada kau, maka tiadalah engkau memperoleh pertolongan dan kawalan dari Allah.

(al-Baqarah, 2 :120)

Orang-orang Yahudi dan Nasrani tidak menyukaimu wahai Muhammad selama-lamanya, maka tidak perlulah engkau mengikut kehendak mereka dan meminta persetujuan mereka, ayat di atas merupakan ancaman dan janji buruk kepada umat manusia yang mengikuti cara-cara orang Yahudi dan Nasrani selepas mereka mengetahui daripada al-Qur'an dan al-Sunnah. Teguran ini ditujukan kepada rasul dan umat manusia seluruhnya.¹⁰⁰

Allah SWT melarang umat Islam daripada meniru golongan Yahudi dari berbagai aspek kehidupan demi menjaga kemaslahatan dan keharmonian hidup umat Islam. Firman Allah SWT:

¹⁰⁰ Abi al-Fida' Ismail Ibn Kathir (2001), *Tafsir al-Qur'an al-'Azim* (*Tafsir Ibn Kathir*), Beirut: Dar al-Kitab al-'Arabi, c.1,j.1, h.352



Maksudnya : Dan bahawa mereka tidak seperti orang-orang ahli kitab sebelum mereka, maka telah panjang masa antara mereka dan antara nabinya, lalu menjadi kasar (keras) hati mereka dan kebanyakan mereka itu fasiq.

(al-Hadid, 57 : 16)


Menurut Ibn Kathir, ayat di atas Allah SWT melarang orang-orang mukmin menyerupai golongan ahli kitab dalam semua urusan sama ada *usul* atau *furu'*.¹⁰¹

4.7 PERBUATAN DOSA ADALAH PENYEBAB KEPADA MALAPETAKA

Hukum sebab dan akibat datangnya dari Allah dan ia berlaku dengan keizinanNya. Contohnya, iman dan amal soleh menjadi sebab kepada redha Allah dan juga menjadi sebab kepada kebahagiaan manusia di dunia dan akhirat, Allah menjadikan *istighfar* sebagai sebab kepada *maghfirah* Allah dan rahmatNya.¹⁰² Berdasarkan penjelasan di atas dapatlah difahami bahawa, perbuatan dosa adalah penyebab kepada berlakunya malapetaka. Allah SWT telah mengurniakan akal, menurunkan kitab-kitab sebagai panduan hidup seterusnya diutuskan para rasul sebagai pembimbing manusia ke jalan yang benar. Anugerah tersebut sudah mencukupi untuk manusia membuat pilihan antara yang hak dan batil, yang baik dan buruk. Firman Allah SWT :

¹⁰¹ Ibn Kathir (2002), *Op.cit.*, j.7, h.571

¹⁰² Abdul Karim Zaidan (Dr.)(2004), *Sunnatullah dalam berbagai aspek kehidupan*, Jakarta : Penerbitan Buku Islam Rahmatan, c.1, h.36



Maksudnya : Dan apa-apa musibah (malapetaka) yang menimpa kamu, maka disebabkan usaha tanganmu sendiri dan dimaafkan Allah kebanyakannya.


(al-Syura, 42 :30)

Ujian dan malapetaka yang menimpa manusia sama ada kesakitan, kesusahan, banjir, gempa bumi dan sebagainya adalah disebabkan kesilapan atau maksiat yang dilakukan manusia sendiri. Di sini letaknya peranan individu dalam melaksanakan *amar ma'ruf* dan *nahi mungkar*. Seseorang yang mengaku beriman, akan sama-sama bertanggungjawab ke atas dosa yang dilakukan oleh orang lain, maka ia wajib mencegahnya. Ini kerana apabila kita membiarkan orang lain melakukan maksiat, maka ia akan menerima tempiasnya kerana ia seolah-olah membenarkannya atau meredohnya.

4.8 KEMEWAHAN HIDUP MEMBAWA KEPADA KEKUFURAN

Kebiasaannya orang yang hidup dalam kesenangan dan kemewahan mempunyai beberapa sikap negatif yang kurang disenangi oleh orang lain, antaranya sompong, riya' dan bertuhankan nafsu dalam banyak perkara. Perkara ini dijelaskan oleh Allah SWT :





Maksudnya : Dan tiadalah kami utus pemberi peringatan (rasul) ke dalam sesebuah negeri, melainkan orang-orang mewahnya berkata: "Sesungguhnya kami ingkar akan apa yang disuruh sampaikan kepada kami." Dan mereka berkata : Kami mempunyai harta dan anak, lebih banyak (daripadamu) dan kami tidak akan diseksa.

(Saba' , 34 :34-36)

Allah tidak mengutus seseorang rasul ke suatu negeri kecuali mereka akan mendustakannya, mereka adalah orang-orang yang mempunyai martabat, dan hidup dalam kemewahan, hanya golongan lemah dan susah yang akan mengikuti para rasul.

103 .

Kemewahan yang dikecapi menyebabkan mereka terlalu mengagung-agungkan apa yang dimiliki seperti harta, pangkat dan kuasa sehingga timbul keyakinan di dalam diri bahawa kekayaan tersebut akan melindungi mereka daripada azab Allah. Ini adalah penyakit yang merbahaya kerana tidak meletakkan matlamat hidup kepada yang selayaknya iaitu Allah SWT. Kehidupan yang berpaksikan nafsu syahwat akan berakhir dengan kehinaan dan azab di akhirat nanti.

¹⁰³ Ibn Kathir (2002), *Op.cit.*, j.6, h.543

4.9 KESIMPULAN

Kaum yang ingkar secara terang-terangan telah melanggar perintah Allah SWT , menolak ajaran yang dibawa oleh Rasul Allah serta melakukan berbagai kezaliman. Perkara ini menyalahi fitrah alam yang mana kehidupan di dunia ini terikat dengan peraturan yang telah ditetapkan oleh Allah SWT, Demi menjamin keharmonian hidup maka diutuskan para rasul untuk menyampaikan risalah dakwah, sewajarnya sebagai hamba Allah mematuhi segala perintah Allah dan menjauhi larangannya serta mentaati ajaran yang dibawa oleh para rasul. Apabila ketataan tidak berlaku maka wajarlah golongan yang ingkar ini menerima balasan dari Allah setimpal dengan perlakuan mereka.

BAB LIMA : PENUTUP

5.1 RUMUSAN

Allah SWT menurunkan kitab suci al-Qur'an mengandungi berbagai khazanah ilmu. Ia perlu dikaji dan diterokai seterusnya dikembangkan kepada masyarakat agar dapat dimanfaat bersama. Al-Qur'an telah diturunkan lebih 1400 tahun dahulu kekal sebagai sebuah kitab yang sesuai digunakan pada bila-bila masa tanpa dibatasi tempat dan bangsa. Konsep *al-jaza'* terhadap kaum yang ingkar menurut surah Ali-'Imran merungkai beberapa persoalan yang perlu difahami oleh umat Islam. Ia turut mendedahkan kepada kita beberapa perkara yang boleh dijadikan garis panduan dalam kehidupan serta mengambil pengajaran daripadanya.

Kalimah *jaza'* yang disebut di dalam al-Qur'an membawa beberapa pengertian, iaitu menjelaskan tentang balasan baik atau ganjaran pahala, balasan buruk atau azab neraka serta ia boleh difahami dengan kebaikan dan kejahatan. *Jaza'* Allah berlaku umum samada kepada orang Islam atau kafir, didunia atau diakhirat. Mengimbas kembali tajuk kajian, penulis memberi fokus *jaza'* terhadap kaum yang ingkar. Maksud kaum yang ingkar ialah mereka yang memiliki ciri-ciri tertentu seperti kufur dengan ayat Allah, menafikan kebenaran al-Qur'an, menolak dakwah yang disampaikan oleh para rasul serta melakukan kezaliman sesama manusia. Mereka juga digambarkan mempunyai sifat-sifat *mazmumah* seperti sompong, keras kepala, dengki, pembunuhan dan suka menimbulkan kekacauan dan permusuhan di kalangan umat Islam. Golongan ini tidak akan berhenti menimbulkan huruhara dan berusaha menyesatkan manusia kepada agama mereka yang mana mereka sendiri pun tidak mempunyai pegangan yang teguh mengenainya.

Allah SWT melalui al-Qur'an telah menjanjikan balasan azab yang pedih kepada golongan yang ingkar, mereka juga akan menerima balasan semasa di dunia. Segala amal kebaikan yang dilakukan tidak ada nilai di sisi Allah SWT, mereka sentiasa berada di dalam kerugian kerana sikap *mazmumah* yang telah sebatи di dalam jiwa mereka telah memperdaya diri sendiri. Allah telah melakukan tipudaya terhadap mereka dengan terus membiarkan mereka didalam kezaliman dan kesesatan agar Allah dapat membalaς mereka setimpal dengan dosa yang dilakukan di akhirat nanti.

Setiap sesuatu yang berlaku di alam ini adalah mengikut sunnatullah, ia mempunyai kaitan diantara sebab dan akibat, sesuatu perkara itu tidak terjadi dengan sendiri atau secara kebetulan. Begitulah juga dengan apa yang menimpa kaum yang ingkar, Allah telah mengurniakan akal kepada manusia dalam memilih perkara yang baik atau buruk, Allah juga menurunkan kitab *samawi* sebagai panduan hidup, seterusnya di utuskan para rasul agar dapat membimbing manusia ke jalan yang benar. Akan tetapi masih ada manusia yang salah dalam membuat pilihan diantara yang hak dan batil menyebabkan mereka terdedah kepada balasan azab dari Allah.

5.2 CADANGAN

Memandangkan kehidupan manusia pada hari ini yang semakin jauh dengan ajaran al-Quran dan al-Sunnah umpama sejahtera perjalanan 1400 tahun lebih Nabi Muhammad meninggalkan kita, maka semua pihak dari individu sehingga pihak tertinggi perlu mengambil inisiatif untuk mengembalikan umat Islam kepada cara hidup Islam yang sebenar perpaksikan al-Qur'an dan al-Sunnah.

5.2.1 INDIVIDU

- a. Setiap individu muslim hendaklah sentiasa mendampingi al-Qur'an dalam erti kata membaca, memahami isi kandungan, mengkaji serta menyebarkannya kepada orang lain.
- b. Umat Islam hendaklah mempunyai jatidiri yang kuat serta memiliki identiti Islam yang sejati, tanpa meniru acuan daripada penganut agama lain, khususnya Yahudi.
- c. Umat Islam hendaklah sentiasa berhati-hati daripada dipengaruhi oleh sikap buruk golongan Yahudi yang tidak henti-henti menimbulkan kekacauan dikalangan umat Islam.
- d. Setiap individu muslim hendaklah mempunyai pendirian yang tegas dalam beberapa perkara yang di larang di dalam Islam seperti tidak terlalu mempercayai golongan Yahudi atau menjadikan mereka sebagai teman akrab.
- e. Setiap amalan kebaikan yang dilakukan mestilah ada keikhlasan supaya ia dinilai oleh Allah SWT, kerana tanpa keikhlasan ia adalah sia-sia sepertimana amalan orang-orang kafir.

5.2.2 KELUARGA

- a. Institusi keluarga memainkan peranan penting dalam menentukan kebahagian sesebuah masyarakat. Keluarga yang berjaya menerapkan penghayatan al-Qur'an di kalangan ahlinya akan melahirkan generasi al-Qur'an yang cemerlang pada masa hadapan.

- b. Ketua keluarga bertanggungjawab memastikan ahli-ahlinya menjadikan al-Qur'an sebagai panduan dalam segala aspek kehidupan, khususnya dalam pembentukan akhlak yang terpuji.
- c. Pembentukan anak-anak bermula dari rumah, Ibubapa merupakan guru pertama yang memainkan tanggungjawab mendidik anak-anak. Maka menjadi tanggungjawab ibubapa memastikan anak-anak mendapat didikan awal dengan ilmu al-Qur'an. Ini kerana, al-Qur'an merentasi semua bidang ilmu pengetahuan yang lain.

5.2.3 MASYARAKAT

- a. Perlu ada segolongan masyarakat yang memainkan peranan mengajak orang ramai ke arah kebaikan dan melarang daripada perbuatan mungkar kerana *jaza'* Allah menimpa secara umum. Ini kerana sekiranya semua pihak berdiam diri terhadap perbuatan maksiat yang dilakukan, maka tidak ada yang terkecuali dari balasan Allah kerana perbuatan berdiam diri seperti meredai maksiat yang berlaku.
- b. Masjid merupakan tempat wujudnya kesatuan umat Islam, maka perlu ada kesedaran di kalangan masyarakat untuk memastikan masjid berfungsi dengan sebaiknya khususnya dalam usaha menerapkan ilmu-ilmu keagamaan dikalangan masyarakat.
- c. Komuniti masyarakat perlu berpadu tenaga bagi memastikan ahlinya mendapat pendedahan tentang dakyah-dakyah songsang yang dilakukan oleh pihak-pihak tertentu yang boleh menganggu ketenteraman mesyarakat tersebut.

5.2.4 NEGARA

- a. Islam adalah agama yang bersikap toleransi. Buktinya Islam masih menghormati agama-agama lain dan tidak boleh menganggu keharmonian penganutnya. Dalam hal ini kerajaan hendaklah bersikap tegas dalam memastikan kesempurnaan beragama dalam semua bidang.
- b. Bagi memastikan kelancaran dalam pentadbiran, maka Islam melarang umatnya memberi kepercayaan kepada orang yang tidak beriman dalam melakukan tugas-tugas Negara.
- c. Islam adalah satu-satu agama yang direndai Allah SWT, Selain Islam ia dianggap kepercayaan yang salah dan ia boleh mendatangkan bencana yang besar kepada manusia. Juteru kerajaan bertanggungjawab menangani isu-isu yang berkaitan dengan sensitiviti umat Islam, yang boleh menganggu keharmonian hidup bermasyarakat.

5.3 KESIMPULAN

Jaza' Allah boleh ditafsirkan kepada tiga keadaan, iaitu sebagai ujian dari Allah, jika ia menimpa orang-orang baik, yang beramal soleh dan berakhhlak mulia serta beriman. Jika mereka melaluinya dengan penuh keimanan maka Allah akan angkat darjat mereka kerana musibah itu datang dari Allah juga.

Jaza' Allah boleh dianggap sebagai satu peringatan sekiranya ia menimpa orang soleh tetapi mereka masih melakukan maksiat. Boleh jadi bencana yang berlaku ini sebagai satu peringatan buat yang selamat atau masih hidup, sama ada mereka terlibat sama atau mereka sebagai penonton, ia satu peringatan bahawa Allah Maha Berkuasa. Semua yang berlaku merupakan satu proses untuk meningkatkan keimanan mereka ke tahap yang lebih sempurna.

Jaza' Allah juga dikatakan sebagai azab, jika ia menimpa orang yang selalu melakukan maksiat dalam hidupnya. Mungkin inilah yang dimaksudkan sesetengah orang sebagai bala. Allah menghukum hambanya yang ingkar, iaitu mereka yang melanggar ketetapan Allah SWT di dalam al-Qur'an, membantah ajaran yang disampaikan oleh rasul, melakukan pembunuhan tanpa sebab, menimbulkan huru-hara dan kezaliman. Terdapat segolongan manusia yang sanggup melakukan penipuan dalam agama kerana mempunyai kepentingan tertentu. Perbuatan seperti ini sudah tentu mendatangkan kemurkaan Allah dan selayaknya mereka dihukum di dunia lagi, boleh jadi bagi yang Islam, hukuman ini sebagai penghapus kepada dosa-dosa yang pernah mereka lakukan.¹⁰⁴

Musibah yang menimpa seseorang hamba juga merupakan penghapus kesalahan, ini bertepatan dengan hadis Nabi yang diriwayatkan oleh Bukhari:¹⁰⁵

عَنْ أَبِي هُرَيْرَةَ رَضِيَ اللَّهُ عَنْهُ عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ : مَا يَصِيبُ الْمُسْلِمَ مِنْ نَصْبٍ
وَلَا وَصْبٌ وَلَا هُمْ وَلَا أَذْيٌ وَلَا غُمٌ حَتَّى الشَّوْكَةَ يَشَاكِهَا إِلَّا كَفَرَ اللَّهُ بِهَا مِنْ خَطَايَاهُ

¹⁰⁴ Majalah al Islam (2009), *Tiga perkara kenapa Allah turunkan bencana*, November, bil 431, h. 31-32.

¹⁰⁵ al-Bukhari (2006), *Op.cit.*, j.3, c.2, h.1177

Maksudnya: Daripada Abu Hurairah r.a bahawa Nabi SAW bersabda: Tidaklah seorang muslim ditimpa kesakitan, kesedihan, dukacita bahkan sekadar tertusuk duri melainkan Allah SWT akan menghapuskan kesalahan-kesalahannya

Jaza' Allah di dalam al-Qur'an di datangkan dalam berbagai *sighah*. Ia menunjukkan balasan di atas perbuatan yang dilakukan oleh manusia, Sekiranya baik amalan yang dilakukan maka Allah membalas dengan syurga atau yang seumpamanya, jika perbuatan keji yang dilakukan maka Allah membalas dengan neraka atau musibah. *Jaza'* Allah akan di balas sama ada di dunia atau di akhirat nanti. Apa yang penting setiap jiwa hendaklah menyedari bahawa setiap perbuatan yang dilakukan sama ada baik atau buruk akan mendapat pembalasan dari Allah Yang Maha Adil.

BIBLIOGRAFI

BAHASA ARAB

Al-Qur'an al-Karim

‘Abd al-Karim Zaidan (Dr)(1988), *Ahkam al-Dzimmiyyin Wa al-Mustakminin Fi Dar Islam*, Beirut: Muassasah al-Risalah

‘Abd al-Sabbur Marzuq (Dr) (1995), *Mu'jam al-a'lam wa al-Mauduat fi al-Qur'an al-Karim*, Beirut: Dar al-Syuruq

‘Ayad, Ahmad al- (1988), *al-Mu'jam al-'Arabiyy al-Asasi*, Tunis

‘Ummadi, Abi Su'ud Muhammad bin Muhammad al- (t.t), *Tafsir Abi al-Su'ud al-Musamma Irshad al-'Aql al-Salim ila Mazaya al-Qur'an al-Karim*, Mesir: Maktabah Wa Matba'ah Muhammad ‘Ali sabih Wa Auladuhu

‘Adnani, Muhammad al- (1986), *Mu'jam al-Aghlaz al-Lughawiyyah al-Mu'asirah*, Beirut : Maktabah Lubnan,

Ahmad bin Faris bin Zakariyya (1998), *Mu'jam al-Maqayis fi al-Lughah*, Beirut: Dar al-Fikr

Alusi, Shahab al-Din al-Sayyid Mahmud al- al-Baghdadi (2001), *Ruh al-Ma'ani Fi Tafsir al-Qur'an al- 'Azim Wa al-Sab' al-Mathani*, Beirut : Dar al-Ihya' al-Thurath al-'Arabi

Asfahani, Al-Raghib al- (2006), *Mu'jam Mufradat Alfaz al-Qur'an*, Beirut: Dar al-Fikr,

Bakri, Fakhr al-Din Muhammad Ibn Umar Ibn al-Husain Ibn al-Hasan Ibn ‘Aliy al-Tamimi al- al-Razi al-Syafi'e (2000), *al-Tafsir al-Kabir Aw Mafatih al-Ghaib*, Beirut: Dar al-Kutub al-'Ilmiyyah

Bukhari, Imam Abi ‘Abd Allah Muhammad Ismail al- (2006), *Saheh al-Bukhari*, Bab al-Itqa' wa al- hazr Min Da'wat al-Mazlum, no. 9, Mansurah: Dar Ibn Rajab,

Ibn Hazm, Muhammad ‘Ali bin Ahmad bin Sa'id al-Zahiriyy (2004), *al-Ihkam Fi Usul al-Ahkam*, Beirut: Dar al-Kutub al-'Ilmiyyah

Ibn Kathir, Abi al-Fida' Ismail (2001), *Tafsir al-Qur'an al- 'Azim (Tafsir Ibn Kathir)*, Beirut: Dar al-Kitab al-'Arabiyy

_____ (2002), *Tafsir al-Qur'an al- 'Azim*, al-Kaherah: Dar al-Hadith

- Ibn Manzur (1999), *Lisan al-'Arab*, Beirut: Dar Ihya' al-Turath al-'Arabiyy
- Ibrahim Anis (Dr) (1972), *al-Mu'jam al-Wasit*, Kaherah
- Ibrahim Mustafa et.al (1972), *al-Mu'jam al-Wasit*, Istanbul: al-Maktabah al-Islamiyyah,
- Jassas, Ahmad bin 'Ali al-Razi al- (t.t), *Ahkam al-Qur'an*, Beirut: Dar al-Kutub al-'Ilmiyyah
- Jazzar, Kamil Muhammad al-(2006), *al-Mu'jam al-Farid Li Ma'ani Kalimat al-Qur'an al-Majid*, Kaherah: Dar al-Tauzi' Wa al-Nasyr al-Islamiyyah
- Khalidi , Salah 'Abd al-Fattah al- (Dr)(1998), *al-Syakhsiyah al-Yahudiyyah min Khilal al-Qur'an*, Damsyiq: Dar al-Qalam
- Khatib, Muhammad 'Abd Allah al- (t.t), *Nazarat Fi Risalah al-Ta'lim*, Mesir: Dar al-Tauzi' Wa al-Nasyr al-Islamiyyah
- Majma' al-Lughat al-'Arabiyyah (t.t) *Mu'jam alfaz al-Qur'an al-Karim*
- Mansuri, Mustafa al-Khairi al- (1996), *al-Muqtataf min 'Uyun al-Tafasir*, Kaherah: Dar al-Salam
- Maraghiy, Ahmad Mustafa al- (t.t), *Tafsir al-Maraghiy*
- Maydani, 'Abd al-Rahman Hassan Habannakah al- (1993), *Zahirat al-Nifaq Wa Khabaith al-Munafiqin*, Damsyiq: Dar al-Qalam, j.1, Dimasyq
-
- (1992), *Makayid Yahudiyyah Abr al-Tarikh*, Damsyiq: Dar al-Qalam
- Muhammad 'Abd al-Salam Muhammad (Dr)(1984), *Dirasat Fi al-Qur'an al-Karim Min al-Tafsir al-Mawdu'i*, Kuwait: Maktabah al-Fallah
- Muhammad bin Mukarram (t.t), *Lisan al-'Arab*, Beirut : Dar Ihya' al-Turath al-'Arabiyy
- Muhammad Qutb (1983), *Dirasat Qur'aniyyah*, Beirut : Dar al-Syuruq
- Nasafi, 'Abd Allah bin Ahmad bin Mahmud al- (1995), *Tafsir al-Nasafi al-Musamma Madarik al-Tanzil Wa Haqaiq al-Ta'wil*, Beirut : Dar al-Kutub al-'Ilmiyyah
- Qurtubi, Muhammad bin Ahmad al-Ansari al- (1999), *al-Jami' Li Ahkam al-Qur'an*, Beirut : Dar al-Fikr
-
- (2002), *al-Jami' Li Ahkam al-Qur'an*, al-Kaherah : Dar al-Hadith

(2003), *al-Jami' Li Ahkam al-Qur'an*,
Dar al-Fikr

Razi, Muhammad bin Abi Bakr bin 'Abd al-Qadir al- (2008), *Mu'jam Mukhtar al-Sahah*,
Beirut : Dar Sadir

Sabuni, Muhammad 'Ali al- (t.t), *Safwat al-Tafasir*, Mesir:Dar al-Sabuni

Sayyid Qutb (1982), *Fi Zilal al-Qur'an*, Beirut: Dar al-Syuruq

Muhammad Bassam Rushdi al-Zain (1996), *al-Mu'jam al-Mufahras Li Ma'ani al-Qur'an al-'Azim*, Beirut: Dar al-Fikr al-Mu'asir

Shawkani, Muhammad bin 'Ali bin Muhammad al- (t.t), *Fath al-Qadir*, 'Alam al-Kutub

Siba'ie, Mustafa al- (Dr)(1980), *al-Sirah al-Nabawiyyah Durus Wa 'Ibr*, Damsyiq: al-Maktab al-Islami

Suyuti, Jalal al-Din 'Abd al-Rahman bin Abi Bakr al- (2000), *al-Dur al-Manthur Fi al-Tafsir al-Ma'ithur*, Beirut : Dar al-Kutub al-'Ilmiyyah

(t.t), *Lubab al- Nuqul fi Asbab al-Nuzul*, Beirut :
Dar al-Kutub al-'Ilmiyyah

Syafi'e, Muhammad Ibn Idris al- (1979), *al-Risalah*, Kaherah : Maktabah Dar al-Turath,

Tabarani, Abi al-Qasim Sulayman bin Ahmad al- (1980), *al-Mu'jam al-Kabir*, ('Uqbah bin Muslim 'An 'Uqbah bin 'Amir), no.913, Dar al-Ihya' al-Turath al-'Arabiyy

Tabari, Muhammad bin Jarir al- (1997), *Jami' al-Bayan 'an Ta'wil ay al-Qur'an*,
Damsyiq: Dar al-Qalam

Tal, 'Abd Allah al- (t.t), *Khatr al-Yahudiyyah al-'Alamiyyah 'Ala al-Islam wa al-Masihiyyah*, Dar al- Qalam

Tantawi, Muhammad Sayyid (Dr)(1987), *Banu Israil Fi al-Qur'an Wa al-Sunnah*,
Kaherah: al-Zahra' Li al-I'lam al-'Arabiyy

Wa'ie, Taufiq al- (Dr) (1995), *al-Yahud Tarikh Ifsad wa inhilal wa Dimar*, Beirut: Dar Ibn Hazm

Wahidi, Abi al-Hasan 'Ali bin Ahmad bin Muhammad bin 'Ali al- (2005), *Asbab Nuzul al-Qur'an*, Riyad: Dar al-Miman

Zamakhshari, Mahmud bin 'Umar al- (t.t), *al-Kasshaf 'an Haqaiq ghawamid al-Tanzil wa 'Uyun al-Aqawil fi Wujuh al-Ta'wil*

Zuhayli, Wahbah al- (Dr) (2005), *al-Tafsir al-Munir Fi al-'Aqidah Wa al-Syari'ah Wa al-Manhaj*, Damsyiq: Dar al-Fikr

BAHASA MELAYU

Abd al-Rahman al-Dusari (1994), *Orang-orang Munafik menurut sorotan al-Qur'an*, Ahmad Hamim (terj.) Selangor: Thinkers Library Sdn. Bhd

Abdul Karim Zaidan (Dr.)(2004), *Sunnatullah dalam berbagai aspek kehidupan*, Jakarta : Penerbitan Buku Islam Rahmatan

H. Abuddin Nata *et. al* (Dr.)(1999), *Ensiklopedia Islam*, Jakarta

Harun Yahya (2007), *Kaum-kaum yang pupus*, Rozalli Hashim (terj.), Kuala Lumpur : Saba Islamic Media

Ibrahim bin Hj Ahmad et al. (2007), *Kamus Dewan*, Kuala Lumpur: Dewan Bahasa dan Pustaka

Idris Awang (2001), *Kaedah Penyelidikan Suatu Sorotan*, APIUM KL: Intel Multi Media and Publication

Mahayudin Hj Yahaya (2004), *Tamadun Islam*, Selangor: Fajar Bakti Sdn Bhd

Mohd Majid Konting (1990), *Kaedah Penyelidikan Pendidikan*, Kuala Lumpur: Dewan Bahasa dan Pustaka

Muhammad Khairi Zainuddin et.al. (2008), *Kamus Moden Arab-Melayu-Inggeris*, Selangor: Angkatan Edaran Enterprise Sdn Bhd

Sayyid Qutb (2000), *Tafsir Fi Zilal al-Qur'an*, Yusoff Zaky Haji Yacob (terj.) Kelantan: Pustaka Aman Press Sdn Bhd

Talidi, Sheikh 'Abdullah al- (2001), *Sebab-sebab kehancuran umat dan bala yang ditimpakan kepada orang-orang jahat*, Shahrin Nasution (Drs.) (terj.), Kuala Lumpur : al-Hidayah Publishers

Teuku Iskandar (Dr) (1993), *Kamus Dewan*, Kuala Lumpur: Bewan Bahasa dan Pustaka,

Uthman bin Hj Khalid (2006), *Kamus Besar Arab Melayu*, Kuala Lumpur: Dewan Bahasa dan Pustaka

MAJALAH

Majalah al Islam (2009), *Tiga perkara kenapa Allah turunkan bencana*, November, bil 431

Majalah Solusi Isu no. 28 2011, *Akhlaq Runtuh Tamadun Runtuh*, Pahrol Muhamad Juoi,